

三水
子
志

三水
子
志



陕西省图书馆藏书	
书号	D6315/287.4
登记号	12647

00784

三水縣志卷之四

文林郎知三水縣事閩溫陵林逢泰重脩

儒學古延州王 採分校

邑人文倬天編纂

馬三錫

同訂

王達可

藝文

夫文章者窮理盡性以究萬物之宜故王澤流而
詩歌作德勳立而碑記著嘉美起而詞賦集經濟
備而詳議陳觀乎人文以化成天下文之為用大

三水縣志

卷之四

矣一代之運宏且遠其元氣必發霸於哲匠之筆
以吐其光燭典謨叶於禮風雅叶於樂文其國之
權衡歟幽自正蒙一序闡理學之宗天經天雅以
及八極發鴻寶之秘諸大文而外其序事方漢詠
歌方唐詳議方古名臣之敷奏不又一時之豐厚
疏達哉汗牛克棟不暇悉錄採其足以關乎政教
者志藝文

序

正蒙序

宋范

育

邑人
資文閣學士

張夫子之為此書也有六經之所未載聖人之所未

言蓋道一而已語上極乎高明語下涉乎形器語大
至於無間語小入於無朕一有空而不通則於理爲
妄正蒙之旨高者抑之卑者舉之虛者實之礙者通
之衆者一之合者散之要之立乎大中至正之矩天
之所以運地之所以載日月之所以明鬼神之所以
幽風雲之所以變江河之所以流物理以辨人倫以
正造端者微成能者著知德者崇就業者廣本末上
下貫乎一道過乎此者淫遁之狂言也不及乎此者
邪說之卑說也推而放諸有形而準推而放諸無形
而準推而放諸至動而準推而放諸至靜而準無不
三水縣志

卷之四

二

包矣無大可過矣無細可遺矣言若是乎其極矣道
若是乎其至矣聖人復起無有間乎斯言矣

創脩邑志序

明泰

渠

邑尹
臨清人

昔夫子慨杞夏無徵以文獻不足而志則彰往蹟宣
人文昭鑒戒備觀省者也是故建革之詳盛衰之狀
豐耗之由繁簡之制悉于志有稽焉則志之不可缺
也審矣三水夙稱巨邑未爲無志但代更于元運新
析于國初若往蹟人文之顯不惟爲齊民者百不能
舉一卽號爲儒輩亦有十不能舉一者矣省風稽政
能無致慨于斯哉渠自政暇輒欲模筆草就顧猶未

遠也一日咨於黌序暨邑大夫僉謂秦傳董尉田嘗
有遺稿未梓取而更刪之或亦存亡稽古之資也於
是遂命二三庠士及其猶子校輯焉復託綠窻文子
脩飾而潤色之蓋彰往蹟於什一宣人事於千百以
爲觀省之助云爾昔萬曆辛巳七月上日

創脩邑志序

明馬秉直邑人
鄉寧令

穆皇丁卯歲邑侯崔溪南父母

士偉

以邑志久缺爰

偕學博暨余兄生員馬秉正造尉田董氏

九疇

之廬

求屬志稿蓋尉田博雅冀可傳信將來也未幾溪南
值承重去稿且落於槩矣茲幸麓源秦父母渠視篆

三水縣志

卷之四

三

復因臺院之命謀諸署學事陳君

嘉言

令董生鑑續

厥叔舊草其枝葺繕隲則付之陳生麟張生令聞楊

生有光余姪馬之晉輩而文氏運熙復脩飾以襄其

成夫研之歲月證之群籍質之輿論亦既可傳矣第

志史列也不易爲也矧僻邑新設文獻不足而創始

者恐難免羊芋之疑金銀之誤則三水之未建不朽

者果在茲否耶是志也實始於庚辰冬十月訖於辛

巳秋七月上吉之日至若華麗精潤以盡詳焉須俟

後之有博學者

舟翠樓紀咏序

林逢泰

晉江人
邑尹

余少誦詩至幽風竊嘆周家八百之盛始基之矣吳
季子論樂云美哉蕩蕩乎樂而不淫洵非誣也迨承
乏茲邑身履其地跡其山川原隰與篤公劉章合攷
邑志又所稱膏雨之郇伯者恒在于斯而流風遺俗
猶有存焉第兵燹以後瘡痍未起城郭榛蕪滿目蕭
然且瘠土之民稼穡外無他謀如七月所載蠶績諸
事邈焉難追僅陶穴風景不殊耳余竊以爲憂謬欲
舉百廢而興之媿弗逮也迺捐貲鳩工先葺出政之
堂額曰思輯志復古也嗣自城垣戍樓爰及泮宮武
亭漸次茨塹一時煥然耳目蓋勉循職業固守封疆
三水縣志

卷之四

四

非徒以肅觀瞻已也若夫舟翠一樓面山帶河懸崖
幽广之中廓然大觀雖鷓鴣一枝而氣象萬千固已
具豐鎬之槩矣於是邑之人士偕來遊者咸顧而樂
之登眺歌咏各盡其興致所至或云猶幽人之頌余
則何敢然余喜夫彈丸僻壤風雅弗墮則雖公劉郇
伯之業不可復覩而撫今追昔其亦有樂而不淫之
遺意歟寧直屏山汎水增一佳話也耶

林邑侯萬民頌序

文倬天

邑人
衡州府推官

周官屬邑正於地部分十有二事以登萬民政令徵
比各趨其稼而賞罰之佐司農以攷田里掌獄訟移

新事輯民而裕國上輔君以萬季之治久於其道而
天下化成咸頌岡陵於不衰也猗歟我 侯蒞九原
九陞翔心花以協輿情者晦而列之其腹肺而達之
以情弊而釐之以澆五比四閭頤躋湫公堂稱萬壽
之觥焉今揆度以穉仲三祝而介壽其壽以朋酒乎
抑沐成功以孔渥矣邵子經世以穉爲昊天收物之
府白藏秉令孳鍛乎萬類穉孳也陰陽升降於其中
而聲詩應之詩象乎穉聖人作禮樂以收民之性情
故昊天以時授人聖人以經澆天天人性情之理惟
詩得之康成論詩以五際而辰天門卯天保午采芑

三水縣志

卷之四

五

酉祈父夷明赫考天心以扶王道莫大於四始則成
王之詩獨見之豳風元公擊土鼓而嘏之逆暑迎寒
祈季則獻以樂峻蜡飲則獻以息物布德施化詒穀
於千春我 侯續詩以理豳邦政邦教邦事已綴陽
穉入天保而出采芑丕肇造三泉兩澗以無疆哉三
泉以原陞交錯而爲豳禹貢稱原陞之野正以道其
險僻側蹶之地形界入公劉之幘境絡古公之鄉豳
有九谷而邑當其中爲陶穴之隩區下者依陞爲穴
而居高者鑿地爲阱以處阡陌若懸於天際土脉䟽
惡而徭糧浮於周藪大邑之右兼以韓祿紅倉所增

猶胥所稼賦之煩替幽悉罹之前尹雖豁其半而丘
荒薦臻流庸者衆侵田沈斥又詒貲筭之繁以五千
計我 疾動恤民瘼豁包賠以一千四百有奇而繼
以三千三百請者無稅之供汰磽鹵而除之俾閭左
不瘁於任罷公務不匱於納結者幽之田里衡副其
筭歛然樂以嬰始而邦之政以成兩澗之烝庶自作
不典違行之訟至以軋餽之誓而陳臬事者或鉤尾
射影者有之或虎攫鶉奔者有之或豪右奸宄者有
之其民日益詭情日益繁眎漢之用九六以四千九
十六倍焉我 疾濼周官五聽八議三宥三赦之制
三水縣志

卷之四

六

肺達而嘉平之欽恤而時予以不痺之濼聽訟若筮
不翅五情之覆爲發也卽險健罔金矢之入以迪之
於棊藝之率又格厥無良申厥嘉師幽之獄訟平允
斤斤必卽天論郵罰麗於事則頑梗自化而邦之教
以成周禮曰土宜之濼辨名物以相厥宅以阜厥人
自陟岡觀京以來處廬語言之攸芋歷有季所况兵
燹之遂師水嚙其南陸震風剝其北櫓星日歟止旅
之堂而茂草鞠象璜之宇繁宣者每仰舟玉以却步
焉我 疾周咨以坐照睇此公堂不蔽風雨僉謀及
衆卜休恒吉公旬不過三日焉其完雉堵自于橐先

倡之而垣之陋者則濶圯者則蔭四圍悉如所規
樵翬靈煥然一新而舟翠雄峙乎南岡且篤文翁之
化繕及泮宮自大成殿以下載曰其楹載莖其楹
茅築墉鏘鏘被於路而演武公廡又續舉之俾幽之
執事二十九載所不獲者全邑騰輪困郁奕之光而
邦之事以成書曰三季有成虞典又謂底可績以三
載則天地人之交備於功滿之穠不足見德音之不
瑕虜皇極範德維三負天而跼地者詔臣節其福徵
五冠之富壽而又以攸好列福四茲所爲書人以訓
壽者也我 侯治幽三季董厥政教事如夙具樹利
三水縣志

卷之四

七

拔害登春臺而山火爲賁憇甘棠而角牙自戢豁荒
甦流亡之命葺垣衛順宣之氓崇五土而備四善以
熙成功豈特應昊天收物之德耶親民以大表能指
日太史采風擢七事及五事以上貢朝書名於陞柱
野勒績於山巖銀魚緋衣洽文德於四國異佐乎
天子萬幸也

碑記

李邑宰沐德政碑

宋無名氏

蓋圖縲紲以繫獄峻鞭朴以繩民法尚嚴明政必慘刻民未得而治也惟以德爲政黎元向化敬之如神明愛之若父母矣三水巨邑戶口繁息訟獄紛擾倘若不以德則越訴於郡牧監司不可勝數李公騎尉以德望素著來尹於茲興滯補敝衆務脩舉晝無橫民夜無犬吠百里鎮靜號爲大治邑民相與繪公像於圓寂院榜其堂曰愛慕求僕爲記固知其名難稽昭出自民口不欲更去一日縣尉田臯謂僕曰公之

三水縣志

卷之四

八

爲政以德懷民豈止一端而且愛慕之稱非特不可名亦未盡公之事也蓋更改其堂曰德政子復爲我詳言之欲形於琬琰以垂不朽之傳僕素不能文何足以興於民乎公之德皆耳濡目擊姑撫其實以論之將備作者採補焉自公下車移城門以便出入則氣象壯觀不患跋涉建營舍以備守禦則外攻不入暴賊遠遁城隍祠宇旣敝而再新橋梁市衢已壞而復葺建行祠脩官舍興作鼎造不爲私計規畫之初立不使計日以告畢是有德者之所能爲此也奸蠹一投於前灼見情僞此公之明德也哀矜死囚掩葬

遺骨惟刑之恤獄無淹滯此公之仁德也激貪勵俗
稱爲清白其廉德如此簿書山積必躬閱校其勤德
如此夫德得於己爲德施於人爲政公之政事無非
一德今以德名不亦宜乎是爲記

馬邑宰宗仁德政碑

明李

錦

郡人
御史

弘治辛亥四月念有一日三水縣儒學司訓朱璣命
生員白瓚謁予雲山小居賓主禮成揖而言曰成化
戊戌制析淳化之半置三水縣將一稔新樂馬公來
知縣事前之爲縣者率以邑新設又皆不久於任因
循苟簡自城池及百事悉草創公旣至勇於有爲即
三水縣志

卷之四

九

括賦役詢風俗察淑慝審利病循阡陌議興作凡事
干已任者爲之若饑渴一以愛人爲主更以學校治
化所關規畫經紀飾新廟廡構建齋堂俾展祀式虔
肄習有所以田桑衣食所出巡諭督責開荒除蕪時
耕時穫使上足公賦下贍私口謂保障必恃乎城隍
不及期而城隍告完謂賑饑莫先乎儲積不歛民而
儲積已富申飭鄉校留心於禮教畢功壇壝致謹於
神祇鑿渠堰水人蒙灌溉之利設警弭盜境無剽掠
之虞藩臬行司縣治廨宇莫不稽於成憲旣完且美
芟刈強梁撫字良善招徠流亡柔懷無告催科不擾

刑罰適中凡是皆公鑿鑿見諸行事者其他良法美
意不可殫述至如廉勤精敏又公天分之自然也既
而又曰公名宗仁字本元世爲新樂仕族祖諱謹天
順間爲監察御史歷陞都察院左副都御史公自幼
秀爽不凡都憲公獨鍾愛之遣克邑庠弟子員以學
行大脩遂襲都憲公廕卒業成均拜今官惟瓚師生
忝在下風薰灼德化且覩邑之事出草創者今皆規
模完整條理畢具三年之間政績之舉如此將來之
善庸有既乎敢乞懿文記諸貞珉用托不朽用激將
來實亦邑人之志也瓚等特率先焉廼再拜予起而
三水縣志

卷之四

應曰古之治人者必先明乎明德故有虞之世其用
人也必三德而爲大夫六德而爲諸侯蓋以官之崇
卑視德之大小也洪惟我明建官惟賢必德克於已
始授以官冀推其得於已者以施於人也士或有德
不足而幸得祿秩亦不旋踵而取敗若馬公可謂以
德受官者歟夫官之切於民者莫令若也上以一邑
之民付之令好惡休戚固將目擊而身體之使遂其
願而不加之以所不願以仁之也仁之術其施有緩
急焉使馬公之爲或施於已成之邑故習之民雖皆
以德行乎其間其急且繁亦未必息人之議也然而

施於新析之邑新理之民乃政之當急而不可緩當張而不可弛斷斷然有不容自己焉其於爲政之次第固義之所在也義且仁非德之所在乎推是德而達之於政若火之始然日熾月盛方殷而未艾也然則馬公其賢矣哉宜爲士民之所表著也以繼自今四方之士及將來蒞政於茲者或有感發而興焉將必宣上德立爲善政俾人人蒙至治之澤享雍熙之化矣仁覆天下有不在於今日乎唐虞之治又何不可企而及哉瓚曰然遂記其說使歸而刻之於石

林邑侯重脩文廟碑

文倬天

三水縣志

卷之四

十一

禹貢原隰之野是稱函九原九隰而錯以成文則一經九緯之函不以上接虛艮蒼華之敦乎其地絡本於子午嶺自北以南首乎軋以大成而峯峙連山之艮水通歸藏之坤爲聖文之總萃其天文則應帝魁之一星而戴匡文昌六宮昏建華山以西爲攝提之所貞茲其發天地之房自夾皇遡過宜廣開文運以綿聖功歟故公劉陟岡而爲廬舟王以臨丘巘依京而定制酌匏以立君宗俾蹠濟者造曹而式化其郁紛輪囷之氣允後世觀文作人之藪也是於函學之講堂當之柰歲遠宮圯鞠爲茂草而望素王之容

者無起色我 侯至自閩三异之政首重象璜諏吉
而鳩工凡攻木飭材必于橐先倡之僉謀厥衆自庠
師裒紳士量力以捐有差等辛亥之纜經始大成殿
子來罔恃平鑿鼓及冬而載度其楹載華其楠冠雲
榮縱不翅鳥革翬飛之翼翼也嗣壬子新兩廡而丹
獲之矢棘正啓聖之祀殖噲肅敬一之亭有仇者置
戟其闈門翼兩祠以宦以賢其中阿將將表以櫛星
者應門也斲之礮之加密石焉而鳳之軒翔蛟之連
卷以雙標於左右輪奐之美廓蒙而昭歿之甲寅又
相中唐塏爽濬池以甃半天子之雖而泝之清流環

三水縣志

卷之四

十二

壁采芹賡思樂之風公宮就陽樹槐開論義之市前
五雉而坊經涂之軌者顏以太稭元氣其大道大德
之表以歸靈光逝風水之渙享以立廟之遺義乎我
侯定中揆日而告成以三年都人士思鑱功於不朽
請倬天爲國言曰雍州原隰底績卽公劉所度之者
其原可以行徹田之澆其隰可以收流泉之利原陽
而隰陰陰陽各九交錯爲文應天地自然之易其山
川隆結於子午艮山而坤水四時之所交風雨之所
會幽實據隩區矣先王建國制學叶三靈而敦五土
惟制作定世符之時聖依之聖者人倫之祖父葉萬

所造命以王燭成歲功聖其總一歲之時也其四配
可分當一時故復爲青陽宗爲朱明述爲白藏亞爲
元冥又閔以麋解冉以泉動至子石之可年者當斗
一南六陽之候馴赤輦之不可年者當日一南六陰
之候三千其門庭而升堂通六藝者特七十二以當
七十二候乎揭聖宗而翼天統以齊七政之王衡不
耑望崇儒論道之我 侯哉侯曰漢太常之議謂三
代崇化以風四方莫先於學春干籥羽夏絃冬誦太
乎之原也及唐咸亨五月造學以敬儒宋湖州千人
立教於安定或起璜宮或聚生徒采交州之磬繪城
三水縣志

卷之四

十三

南之圖國淳俗樸鏘鏘被於道而六路咸秩遐哉其
可風矣約之杯之其有事於幽璜拓茅築垣始於困
敦成於攝提有恤之宮曼頤以若萬民諏所作者則
林侯諱逢泰閩之晉江人庠師王諱採陝之延川人
泉函之子矜王名相之王名光烈許名桂張名俱也
爰穹伐以饒而銘之曰九原九隰合乎易連山爲峯
歸藏爲液子午之龍結磯脊陰陽錯文應采芹以半
堊誰作璜宮孔曼以頤我侯成功在攝提格

劄脩城池記

明李

錦 郡人

三水古函谷也山環水遶地形完美周人基此以闢

王業秦漢隋唐皆爲近畿大邑此蓋圖志之可考者
也有元至正十有八年移置淳化縣始廢明因之成
化丁酉居民思復故邑上陳制下仍立三水爲縣從
民便也壇社廟學官署解舍悉如成邑惟城池門堞
則歷十有餘祀經兩尹而未及建焉越丁未新樂馬
侯奉命來知縣事將期月紀綱粗布重念城池爲保
民之具王政之所不廢且知民可使而力可爲也乃
謀及有衆相土度工經畫財用從事土木壯者借其
力富者勸其財工惟其巧農適其閒程以日計者若
干以工計者若干泉以緡計者又若干城之制周圍

三水縣志

卷之四

十四

五里五分有奇豎高三丈濶減丈之尺上樹以堞城
之下濬而爲壕深丈有五尺東西溪水復依壕而注
之四面咸闢一門門之制以土爲胎則甃以石以木
爲骨則護以鐵圖永固也門之上各建一樓表瞻望
也功始於成化丁未十月迄於弘治戊申三月落成
之日官民胥慶巍然爲一邑之保障真可以捍敵而
禦侮矣然是役也地勢崇卑率因舊址戒事成功悉
倣周制就利避害咨謀僉同及慰勞督勸則盡公之
力而人不與焉吁功成而民不勞費裕而民不怨侯
之賢勞其至矣今季春侯以築城之役雖涉分內而

邑之新復亦當托之金石以昭示後人也廼走書敝
廬丐文以記之余惟昔孔子之作春秋也一城垣之
築必書于策雖以勞民爲重而下陽虎牢亦明其有
不可不築者蓋古者聖人之垂訓必兼盛衰而立法
世不大同官天下者旣不可得家天下者亦必以城
廓溝池爲固故世之欲禦患保民者亦不可不以設
險守國爲重務也我國家以文運綏太平百有餘季
申飭儆守而於城池之備蓋惓惓焉其亦古人保民
致治之至圖也今馬侯筮仕之初獨能以此爲務亦
可謂深知爲政之體矣不亦可嘉乎侯名宗仁字本
三水縣志

卷之四

十五

元世爲新樂望族祖諱謹正統間由監察御史累遷
都憲出撫河南風裁著於天下至今人慕之然則侯
之爲政其亦有所自耶或曰馬侯之爲縣也未三載
引西溪之水通流縣城人獲灌溉之利完逋負之稅
致其復業戶有增羨之美扶善刈強興廢起墮善政
纍纍下安而上獲已膺旌勞之榮是皆可紀者也豈
獨城池爲然哉余曰隋涇之碑循良之傳事固各有
專主也余非隱人之善者特不敢諛且濫焉或曰唯
遂書此爲創脩城池記

夫祀爲國事之大者若城隍廟祀護祐一方保障四境義兼神祇又祀事之大者也

太祖高皇帝洪武三年正月詔定天下城隍府州縣有公侯伯之異稱而俱爲顯祐伯者蓋以鑒察斯民靈祇斯土也顯則威靈丕著祐則福澤普施三水縣五代時或屬隴或屬耀元至正七年省入淳化縣屬鳳翔府邠州明因之成化丁酉都御史余子俊馬文升奏復三水隸西安府邠州弘治三年知縣馬宗仁始創斯廟爰脩祀典殿宇門垣遵詔旨以重民事者也宜曰三水縣顯祐伯城隍廟以都祀事也夫祀以

三水縣志

卷之四

十六

備物齊禮爲豐禋也邑之鉅姓思榮官馬致遠及子生員秉正知縣秉直自備銀粟鳩衆紀善喬濟民生員趙元卿等建立獻殿五楹以稱報賽之陳奠也時嘉靖十三年五月知縣廣漢張珩樂觀其成而獎勸焉馬致遠嘗遘疾夢城隍覺而愈欲崇神貺於無已也於三十六年遣二子詣羅中丞廷繡書城隍大扁飾以金碧供上之以彰神明之真境也知縣吳之翰嘉賞之於四十四年令道士化鐵鑄烟樓一座以爲香火之需大磬二口以爲啟叩之助儒學訓導郭聘有記以載其盛於隆慶二年見廟門直衝往來冒葵

輸銀物共二十餘兩同馬化龍出銀十兩建磚樹塞一座以顯靈崇望殊爲壯觀也於五季見司屬未備又同邑衆各輸銀木建東西司房一十四間具神職也於六季三月見各司神前香火離陸又置石鼎一十四供朝夕祀享也夫治神宇以完美延歲時而弗替前後樂輸約千百計使廟貌嚴肅卒克祠祀嘉祺之美顧不善耶若恩榮官輦可謂至誠感神精誠不二者矣宜其享純嘏而綏神社云隆慶壬申春二月予將入汴過其邑親覩其迹因述之而爲是記

朔脩牲所泮池記

明文在茲

邑人庶吉士

三水縣志

卷之四

十七

蓋聞爲政有建置詎飾觀省哉乃牲所泮池將明禋而廣游息咸藉乎此則尤典之不可缺者故詩咏思樂書紀惟馨厥有旨也三水肇自成弘朔建聿備嗣是歲久頽壞人思鼎新遂令崇任堪輿家言遂移廟學於縣治之東南隅爰更行臺而爲之頽地僻狹隘漸就卑濕櫺星門外鑿池其南引流灌溉以瀦泮水已而萑蒿叢生蒙土時取汲其下春秋享祀結棚於前以省宰牲牢哀鳴躅躅殊非祇薦之地矣邑侯周清翁蒞任以來迺慨然曰夫令者士之表面而神之依也頽缺廢如斯奚以歆神而作士遂捐俸就工

甃以磚石中通以橋甫踰月而竣事復規度于泮池之西構地一區廣袤胥數十武繚以垣墉宰牲於內庶齎餼可遠而昭薦致潔也神罔恫而士咸悅其在斯與然公之創置不寧惟是移費門以飾輪奐新三汲以固扃鑰整燕思以便裁決更迎賓以廣延訪葺明樓以達聲教至於公署吏廨罔不煥然諸凡營繕殫罄心力而民不知擾茲皆昭揭衆目而績莫揜者若夫綜理周密政教聿新自有口碑載道固無俟余之喋喋也公名克字仲美清泉其別號世爲古宋柘城人萬曆庚子孟冬之吉

三水縣志

卷之四

十八

飛雲洞開路記

明文運熙

邑人
參議

邑之東二十里有洞名官家古矣河環一帶之流山峙萬丈之巘石竇鑿其中高高下下參差於巖岫間者縣亘百里志云避兵而作也縣尹御史蕭居焉棧道連雲石梯落霞網戶萬啟星窓千開真幽之第一勝槩也柰歲久路湮不可階升故景雖奇而未著聞者遊觀稀也邑之民李福趙介欲闢其路令僧真普請命於邑侯秦可之作簿丐緣官捐其俸民輸其財鳩工數十以董之石以爲階就基也木以爲檻防什也邑之崇神者繪諸像於各洞中以壯觀焉肇役於

萬曆己卯五日落成於庚辰陽之杪上吉日余以歲
皆閑暇爰約金蘭徐步以遊則地不殊曩景益增新
卧被大虛之雲起鏡東岡之月風雨驟來空谷播絲
竹之韻露霜偶凝庭宇砌瓊瑤之階若玲若瓏而八
萬三千之戶不殊金樞如拱如揖而七十四回之遊
有同峻院或巨靈劈山之斧削就抑五丁開峽之力
鑿成日車駛於穴中雲衣生於石上易其名曰飛雲
允於洞爲不誣遂之探勝尋幽者見桃花夾岨知有
問津之人望麻飯常流不負遊仙之夢覽斯記也不
與歸盤谷之文遊赤壁之賦有同志者哉

三水縣志

卷之四

十九

聚珍橋記

明張拱極

邑人

周禮合方氏掌達天下之道路津橋相輳不得陷絕
故天根見而成梁慮民病涉也三水城西數十武許
溪水自北界來帶縣而南其東西岸距城廓間甚當
衝也歲久滋深溪流滂沛行步齟齬足脛瘡疥而攸
徃罔利矣對峯馬君常遊於此愀然嘆息謂鄉耆杜
氏綏曰川澤之阻則橋梁之便民事也此司牧者之
責耳廢弛玩愒漫不葺理非予之任而誰耶蓋避嫌
者牽顧慮之私而因循者憚經畫之勞卽廟廡學宮
敗垣殘宇草礫相依犬豕交跡莫之問也而况於此

橋乎迺捐金暨米穀若干責邑民之能幹者數輩若許世經李乾李艾等委以經度物優其價工優其值甃石爲骨畚土爲基歷數月而橋成馬君遣幣索詞於予予曰鄭子產以乘輿濟人於溱洧孟軻氏尙譏不知爲政單襄公知陳之必亡亦以川無梁也橋之係豈淺鮮哉君以明農之身毅然當之乃爲司牧者所未爲則其德惠之及民豈徒見於尹鄉寧時已因是悉君之存心矣是役也經始於萬曆八年二月二十五日落成於九年三月十五日其衆輸若干所費若干不具述惟述豎橋之意利民用用著君之績君三水縣志

卷之四

二十

名秉直字養浩爲予姻親筮宰鄉寧政聲藉甚其先君雙椿翁暨若兄南峯以高致慕義無窮凡邑內廟觀多所創脩故君之率作厥有所自云

遊煖泉記

明錢若愚

邑尹

三水之西有煖泉雖亢旱不竭沍寒不澌故謂之煖泉一又謂之溫涼去城一里許北向而入有微逕過柳溪數十武兩岸如門磬折而入又數十武始陟其麓登少壇寺寺岑寂無僧惟蘭若而已寺之左右一二居民陶復穴居蓋邠之遺俗也迤西又數十武拾級而上山愈峻徑愈仄童子豈之乃克登至此蓋三

休矣俯視溪流微渺如綫因度之曰此泉之末流也
諦視湍湍然感沸之盡矣徐聽之水聲嗚咽洒洒然
如風雨聲又徐而觀聽之飛流觸石璆璆然如漱玉
聲此源之將窮處也既而天日開朗石隙瀕洞溪流
滂沛閎中而肆外瀉出於兩山之間者煖泉也掬飲
之味甘冽訊之故老云飲之能消渴疾祛煩暑且宜
釀居民之爭引灌田走畦可數百畝此泉利用也仰
視之懸崖瀑布疊流貫珠飛翠沾洒清冷逼人咸思
挾纒矣積雪未消冰山在目宛然一瓊島也皆嘖嘖
賞予曰噫嘻此釀泉之亞匹也予西過滁滁人共遊

三水縣志

卷之四

十一

釀泉之盛今觀此是亦滁之釀泉也愧無醉翁者以
當之耳於時草木叢茂禽鳥鳴集惠風徐來人物熙
暢因與益齋陳子綿江王子竹軒于子喬生濟民張
生騰霧萬生順寧李生子元例官張祿暨厥子騰蛟
輩環列而坐戲以木卮效爲曲水流觴之飲溪凡九
曲殺以三級命二三童子置杯上流信其所止而飲
焉又慮其譁也乃設罰其間置一豆觴以恐之曰其
勿譁時薄暮弗暇爲詩又作爲小令使工人歌以侑
觴任其音節之短長而止焉聲已而杯輒至由是咸
弗勝飲者矣酒旣古泉子歌之曰泉冽兮淋浪酒馨

兮泛瑤漿飲且樂兮壽而康安得惠吾民兮澤四方
歌既衆相稱賀曰今茲之遊亦是蘭亭之脩禊事也
惜無有能者以記之耳予乃嘆之曰二子已矣往事
已陳迹矣然釀泉雖以醉翁勝蘭亭雖以右軍勝樂
故在人而今茲之遊安知其不古若耶况愛慕者以
心而不以其情與景遊豫者以時而不以其
也夫人亦惟識其先後之殊各適其樂耳安恤其人
之往而迹之陳哉予于咏歸之際敬述之以爲記將
以告夫後遊者

高邑侯創建通堡石橋記

文毓鳳

邑人
武城令

三水縣志

卷之四

二十二

維我邑峙鹵極之幽實揔三陲之吭八水之門庭也
茲者流寇依爲出沒窟每嘆防守之難爰有縣之右
翼曰西堡與城犄角立迺古李思齊屯兵舊處離城
僅一水隔誠唇齒之要壘也我高侯暨闔邑紳衿僉
議墉壑增脩深溝高壘爰建一石涂通有吏則聯堡
以衛民無事則丸泥以自固甚盛舉也於是準地程
天鳩財窺日版箋肇興揅隄趨勸戾鈇捐俸金近百
兩給匠厚逸士庶家咸輸乃貲齊乃力萃舉厥舉焉
凡一載餘而功竣報當此三空四盡萬難措手之候
未嘗并日課功刻脊責辦而壕塹狴爾立津梁狴爾

起匪侯憂民之苦心形之董率民諒侯之至計竭之興作烏能觀成若此哉自是或有侵威而城藉堡堅堡藉城固則民弗苦寇螫或有遣調而誠禦城婦女詣堡則民弗苦兵難或有惶霖而緩急可由城之堡亦可由堡之城則民又弗苦水怒一舉而三善倏焉余於斯橋亦云謹志之一片石崇禎壬午仲夏朔旦

續脩泮池記

張 俱 邑人

三水之學宮自有明成化十六季重建邑始而泮池之遺址僅存巔末無徵世代更移鞠爲茂草焉幸我三水縣志

卷之四

二十三

邑侯林父師以八閩雄才家學淵源承

荀堤夫子之志於辛夷中秋慨議葺脩凡尺木片石悉先出諸清俸而紳士之捐各有等經營三載費約數百金不取民一粒而輪奐更新焉獨泮池未濬采藻無聞不幾九仞之一簣與僕忝居門墻思續其事而始終之謀及同社咸欲助力寅夏訊吉濬厥舊址甫及泉而石碣出焉乃前庚子詞林文先生太青文夫子創脩泮壁之始末也越七十五季而又一新礧石爲底甃砌以磚中通以橋庶乎思樂可咏而青珮得以覲光功竣之餘議樹一坊而慮苦不貲

爲已任仍捐十餘金棟宇榱桷各如其式于今城闕
不刺而翠屏對峙爲文教地伊誰之功嗚呼我
侯崇

聖尊賢之意固後先濟美矣而吾邑人文之肇興其
在斯乎僕末學小子監役三載幸無隕於厥命而前
輩之志亦賴以彰也因勒諸石以誌弗忘云康熙乙
卯夏五之吉

議

減糧議

明文翔鳳

邑人
光祿寺少卿

竊照三水之列於次疲而以八分考成也蓋從來矣非自近年始也使地真有八分之出而民力果足以辦之則四十年來何無一年登數者將民之肌膚非肌膚而獨甘受鞭笞斃命於比較之限期乃至以身質升勺耶糧冊之按年而查曾完及八分者何年乎以八分如額而考滿者何官乎屈指二十餘令豈皆罷軟不善催科之官其以民易官不忍鞭笞人者耶即才之最武健者亦未見邀考

三水縣志

卷之四

三十五

滿一典即他官之別以治行處而問其所受病之由則皆以逋賦爲主而姑一一聊借名以點綴之耳真可爲百姓流涕真可爲父母扼腕而本宦生於其地豈忍日見其民之破家失業而道路目之又日見其令之棄官以去而兩相安於無可奈何之地不爲一控陳耶三水幽之谷也界近公劉之塚境有古公之鄉自昔稱勤而不怨之風也按幽邠二字皆以文故謂之幽而禹貢謂之原隰之野正以道其險僻側蹶之地形蓋海內惟有此一區地特苦高者爲原下者爲谷幽有九谷而邑當其

中三谷則其陶復陶穴之隩也陞者依谷爲穴而居原者鑿地爲阱而居自隰而仰高數百尺者山也登之則田原而爲四鄉之郊阡陌若懸於天際自原而俯則深數百尺延袤輒十里而探之則有穴居之民城市實建於地中其崎嶇之坂樵牧之所不至者盡坐之以糧寃哉安得仁人之枉轡軒其地而臨之卽查盤者偶至邑止見其鄙陋蕭條之槩而愀然垂襟然其深山窮谷之狀亦安得一一入歷覽中倘按畝而問俗遵穴處而叩其不樂生之情有不隕淚欲亟爲引手者耶其拔刀斬

三水縣志

卷之四

三十六

案而不惜一筆之勞爲萬家甦年年世世之命者恐不待辭之畢矣三水之名始自漢書其後嘗以淳化并入三水矣元至正十八季則又以三水并入淳化矣至成化十四季而始割淳化之十六里而爲此邑至弘治五季而卽見其壤力之不逮遂并而爲十二里矣東九十里而界宜君南五十里而界淳化西四十里而界邠州北五十里而界真寧地不踰數千頃糧二萬二千七百兩至浮於秦川大邑之右其地糧有起科者有原不起科者其所以受病者蓋有說自嘉靖元季奉坐車以何所

不起科之糧一千四百七十七石餘者改派韓府
祿米每二石折納一石每石價銀八錢而歲增添
五百九十餘兩矣至嘉靖十年以寧夏蘭州紅古
等倉折色三十七石每石折納小布二疋疋止直
銀一錢五分者改徵價二錢五分而歲又增添七
百四十餘兩矣嘉靖十六年以邠州秋糧潤布一
千三百十九石石原徵價一錢五分者改入固原
州倉使屬邑爲州民包賠而歲又增添七百七十
餘兩矣嘉靖十七年以本司廣積庫佃糧所召人
承種荒地者四百八十四石石原止徵銀五錢耳

三水縣志

卷之四

三十七

又改入固原州倉每石徵銀八錢而歲增添一百
九十餘兩矣嘉靖二十年靈臺縣積書蕭錦臣偶
因災傷朦朧控告以蘭州倉折色五百石換入固
原州倉每石徵銀八錢而歲又增添一百五十餘
兩矣節年增至二千四十餘兩而控牘竟莫得伸
則縣誌可一一考也蓋當時彈丸小邑科第未開
無人爲之陳情而一切賦重無端更加則邑之不
可爲蓋久矣其後萬曆十年以地畝之科不均而
有均丈之令無柰均丈者之不克力行而反以重
之而民益病蓋公差丈手入由丈地地主無以供

酒食故未敢從之踏丈而此輩怨其饑疲之無應也遂有用繩隔溝扯丈者有繫籠貯石墜落溝坡而丈者以峻嶺窮岩無駐足之地皆妄報之以爲地遂大增山地之數而實無地一報官註冊而卽莫可辨說也大寃也其丈者爲邠州馬判官刀筆起家旣未嘗按視深山遂憑報冊量地定糧見其所開註尺丈之塊段大者卽註以高等上地一體加科而無地之糧數又增矣尤寃之寃者也此四十年來卽八分之所以必不可前也原地十之三四山地十之六七地寒而燥歲止一料豐年畝止

三水縣志

卷之四

二十八

收四五斗中年畝止收三四斗凶年則一斗二斗至山地則陽地多枯死陰地又不生苗而暴雨則崩塌者歲相繼况堪凶歲乎其地四境皆深谷不桑不麻不綿不織紡不商販而無可易銀以辦納凶則無粟可糶豐則無處易銀而粟價騰涌賤不得售至每銀一錢糶麥豆至三斗外穀蕎至四五斗外糧未完而粟已盡矣况敢問一家之口食與禦寒之衣絮乎至今而如太義里則四甲五甲盡逃絕無一戶也蒲村里則一甲盡逃絕無一戶也三水里則七甲盡逃絕無一戶也其他零丁戶口

逃亡者至不可勝道而所遺之逃地則闔里包賄之地之所入曾不足辨糧之半至欲以地白付人而莫可推止得世世賠納年年推委家家洒泪而已名爲十二里而按其戶口實不滿七八里也以供二萬三千兩之賦寃哉其能勝之乎地之價賤者畝不過一二錢其無價送人而不受者大半其邑之大姓之家所聊生者尙不逮秦川諸邑之奴傭而谷地之苦雨崩塌者其災傷又無可請豁如邠州遇有水崩沙壓之災則得自開豁而本縣則竟不得援以請也其鬻子鬻女者每比限卽有之

三水縣志

卷之四

二十九

其全家逋逃終身不反者每歲卽有之其每限之斃於比較之鞭笞者又誰爲憐之而縣令又盡以叅罰去是以十年計而署篆者在任之日常倍於實授之縣令近時至有二年半無縣官而選多不肯就者長此安窮不縣將至於無民民將至於無官乎則亦仁人之所未嘗聞不忍聞而想樂爲之聞者此亦窮則變變則通之日也其往年之增添者旣年久相沿而未易革其均丈之增糧者又未可率然議改其原地山地之不一律者又無專恤山地之良瀆使不參差於一境之紛爭則惟有議

改次疲爲上疲而寬八分考成之澆減之如六分
之例庶民不至盡化爲逃亡而或可全一官耳况
歲增遼餉四千七百是且二萬八千金矣有不至
民日盡地日荒者耶按雍州黃壤之厥田惟上上
者則今涇陽三原高陵富平咸陽諸邑是皆樓榭
相峙桃李成林望之如烟海真寸地寸金矣而糧
各不踰三萬餘三水何地可若是班耶漢中一郡
轄州縣九最爲關中善地是魚稻之鄉也而糧止
二萬餘乃使黑子福邑獨當一郡之全是百倍之
苦也雖欲民不日盡亦勢之所必不全而

三水縣志

卷之四

三十

上臺不亟爲調停恐三水之爲三水不數十年而
民又亡過半矣又安暇問官之去留乎茲闔縣百
姓數百號哭赴告臺端恐格眼狀式不得詳控謹
條布以聞伏祈臺慈垂鑒批查核議如果于民瘼
不謬仍祈題奏謹揭

函防議

三水同官耀州者畿輔之藩也寧州真寧宜君者
又三邑之藩也盜自三水入者十之七自同耀入
者十之三榆林定邊之置子午嶺而下也中部宜
君之徑子午嶺而西也皆會於劉家店子卽杜詩

所謂子午關者而一支可自馬蘭直入同官一支可自馬蘭直入耀之柳林鎮一支可自馬蘭出三水之石門關是馬蘭其一扼要區也而馬蘭河卽吾三水之水源可沿川直至縣然谷側蹶近未有錄此者劉家店一支又可自兩女砦直入三水之職田鎮則劉家店又大扼要區也而防者宜防此以過其入勦者宜從此入以從其所歸落此東盜之概也故宜君寧州真寧之衛嚴則三水同耀靖三水同耀之衛嚴則涇陽三原富平又何從受兵耶余生長中幽少嘗北至慶陽西至鎮原東至山

三水縣志

卷之四

三十一

河鎮石門一道又其所屢出頗諳其要地之防特出胞中粉本爲此議以代抵掌群公可據案而坐策耳嘗謬爲四道會勦之說欲以慶陽道駐寧州鄜州道駐宜君守道駐耀州巡道駐邠州以一府廳駐三水督餉其中爲接應大掃除而就近勦則兩道分駐而亦可辦耀州爲受盜之衝守道駐耀以逐其去三水爲納盜之衝巡道駐邠以要其歸總之東防勦於劉家店西防勦於寧州中立防於真寧此地形之不可易者也兵太分則土兵客兵之相軋固不宜角立兵太合則東衝西衝之分據

亦不便歸併兵少則將不給兵多則將驕而餉亦
不易給倘兵委之將將委之敵而無監軍之司道
則制將難無轉餉之府廳則兵飫飽難濫殺可虞
橫斂誰馭而山深道曠卽給行糧又於何處辦食
耶則軋餼酒漿之具卽他爲取辦亦弗得太恤大
略勦加於邊盜而撫加於內地之脅從勦行而後
可撫盜定而後可防以久安耳必有全籌惠我西
上

回 兩憲諮詢利弊議 林逢泰

看得軍興以來兵苦于行間民困于輓運亦已極

三水縣志

卷之四

三十二

矣本縣與賊爲隣擾攘乞無寧日又溝崖疊險車
路不通輓運尤其艱難竊意生財之源在於足民
而後軍需可繼輓運之法在於轉輸而後民力不
疲如緩征以紓民困改折以便徵輸此本縣今日
民生所懸望者至於兵貴神速早奏蕩平自不致
有匱乏之虞籌兵尤宜核兵籌餉尤宜核餉酌盈
濟虛因時量用

憲臺自有碩畫非

卑職

所能參末議也

回詢鹽法利弊議

查得本縣山僻小邑崖峻溝險車載不通從來鹽

商不至止有本縣之民招定小販合湊資本運鹽
銷引而土瘠民貧人無貿易商旅跡稀因以資本
難於措辦運鹽亦難於食銷此乃地不利而民無
可資生也每年額引六百張雖勉力完銷實甚苦
累今倘於額引之中酌減一二則鹽易銷而無壅
矣至於緝私販以疏官鹽嚴比較以稽勤惰法最
善也但本縣地既窮僻路又迂迴私販無大利市
是以大夥絕少即有一二販升斗之徒若此季拏
獲宥罪下季必相戒不敢復來乃兵快懼以無功
比較不得不捏報以倖免責罰季季皆然又不得

不舍私販以幫賠贖此乃法愈嚴而弊愈滋也
雖奉有則報有無則報無之示又多蹈徇庇之愆
以此一縣民快憚於巡鹽比較而逃竄者十之三
四招募無復肯應今倘於比較功次之中寬免一
二則法可通行而無弊矣此皆本縣地方情形既
蒙下詢不敢不據實上陳其應否可行統在

上裁

詳

請設防禦

林逢泰 三水縣知縣

看得本縣山陬僻邑土蕪人稀城內居民不過百餘家不足當一城之守防兵寥寥十餘人僅可供撥塘之役其空虛實甚况土橋底廟等處皆屬要地而最險要者莫如東南石門關一帶深山峻崖乃耀州淳化宜君同官交錯之地奸宄出沒無常昔年設有巡檢司今廢近據鄉民稟聞深山之中時有賊衆數十乘夜來往及召集鄉勇巡緝則潛遁不知去向似此情形誠恐釀成叵測貽害不小

三水縣志

卷之四

三十四

雖不在本縣地方盤踞竊發但震隣之恐應作未雨之防今查邠州營分防本縣城守及土橋二處兵丁不滿三十餘人汎廣兵單深不足恃愚見謂石門關一帶宜添設防兵以資捍禦則接壤州邑皆可無虞合請俯念封疆從長酌議庶地方有攸賴矣

再請防禦

竊照本縣石門關一帶乃耀州淳化宜君同官交錯之地奸宄出沒無常宜添設防兵情由已具詳本部院 蒙批據詳已悉矣此緘在案近聞淳化

縣有土賊劫奪布客之事深切震隣之恐復聞有賊從北來經過石門關南去等情甲職隨即召集鄉勇同防兵趕逐并馳會邠州營王守備親領兵入山追捕賊已無踪仍嚴飭各鎮堡防備固守外伏思本縣土蕪人稀汎廣兵單石門關以外皆隣封汎界深山崖谷之中奸宄易於潛匿雖幸本地方未有失事而賊情不測誠恐滋蔓難圖方今多事之時傳聞不一人心惶惑不可不早爲綢繆也甲職思維在前題請西鳳協一營者原爲西安府屬各州縣而設也獨三水一縣向未蒙呈請其

內造有本縣地方奉委于邠州營兼汎第營額兵單少分布縣城土橋二處僅兵三十名見今淳化北山土寇出沒劫掠而本縣接壤交界萬一奸宄窺伺虛實一旦陡發兵微民稀何堪應急當即馳移邠州營統兵援剿然遠難驟至未免掣襟露肘合無比照西安二十三州縣增添防兵數十名於石門關一帶安設駐防則賊夥無由潛踪接壤州縣亦可安堵此誠今日急着應否可行伏乞速賜裁奪并請飭延慶隣近州縣營弁協力防禦其保無虞地方幸甚

三請防禦

竊照真寧賊寇猖狂於本月二十四日突犯本縣

城池

甲職

督率居民用火炮擊收賊聚解圍南去

已經塘報外茲者大兵臨縣賊已遠遁此皆仰藉

憲臺德威所致業經申報在案但慶陽變亂本縣

逼近賊境誠恐兵去賊來出沒無常以一駐防把

總兵不滿五十馬僅二匹勢難守禦相應預請酌

撥精兵數十名馬十餘匹於本縣險要處所如底

廟鎮一帶乃真寧交界地方駐札防守則奸宄自

當屏跡且城鎮有備亦可無煩調遣之勞此今日

三水縣志

卷之四

三十六

地方急着不得不亟請

憲裁者也

甲職

從封疆

起見不揣冒陳伏祈鑒照

四請防禦

竊照本縣邑城空濶兵少民稀屢詳在案近因隣

寇劫掠往來兵馬入城駐札百姓皆移居連城東

西二堡查本縣倉庫原設在西堡係順治初年前

任知縣王儒申請建置沿至今日獲保無虞細思

倉庫爲重守城不得不兼守堡

甲職

晝則入城辦

事夜則入堡守宿勞瘁所不敢辭但真寧爲不共

之仇迫在密邇而防兵寥寥無幾前蒙

憲牌云

檄行固原鎮議撥官兵防禦竟未見至而邠營王
叅將又仍回邠矣竊思邠州既有固鎮重兵彈壓
則邠營兵馬移駐本縣亦計之得者若必俟賊來
攻圍然後請兵不但兵未至而民已受荼毒及賊
去兵來而兵亦疲奔走况賊寇俱從石門關七里
川來往則本縣一邑乃耀淳涇原之唇齒似不可
不從長計議也抑更有請者慶陽一路通於平鞏
今大兵住涇尙未進克平涼似可先分餘力以靖
慶寧上絕平鞏之狡謀下固西安之門戶又不獨
出本縣於湯火已也此在

三水縣志

卷之四

三十七

憲臺必有碩畫非卑職所敢置喙但卑職身處危
疆懸望日切故不揣謬陳伏祈鑒照

五請防禦

看得慶寧變亂以來本縣屢遭荼毒且流入內地
耀淳涇原皆受其害今又盤踞山中出沒搶掠猖
獗日甚此蓋窺本縣防守單弱乃敢深入橫行無
忌也本縣雖凋殘小邑實乃西安咽喉今大兵進
勦未卜何期而邠耀二州既有重兵彈壓獨真寧
一路通賊往來寧州前報恢復今仍爲賊踞而寧
州至本縣僅一百四五十里賊已滋蔓似非昔比

豈一把總五十名兵所足抵禦哉卽邠州營雖係分汛而兵制有限不無顧此失彼爲今之計倘再恢寧州設重兵以守之上也次則本縣扼要之地宜增設防兵以固門戶此萬不可緩者與其賊至調兵而分勦煩擾孰若屯兵要地而覬覦潛消否則恐賊勢日熾民生日蹙軍需將無所出勢必至於民皆爲盜矣

卑職

從封疆起見不識忌諱屢經

申詳在案今據台邑士民公請謬陳一得之愚伏祈俯鑒民情詳察地形速賜裁奪地方幸甚

請禁兵馬入城

三水縣志

卷之四

三十八

看得兵馬不許進城先經奉

旨通飭在案近因征勦賊寇入城駐營山僻小邑從未經見不免驚惶慮恐日後兵馬來往習爲成例小民不得安生所以有此哀控也本縣邑小民貧而城內居民竭力守禦皆係良善似當稍加軫恤合請恩鑒明示申飭嗣後如有兵馬止住關廂遵照前

旨不許進城則小民獲有寧居地方幸甚

請免鄉勇丁徭及改運糧草

竊照平慶變亂以來真寧逆寇出沒無常本縣受

害已極駐防兵馬既有單薄之慮欲再請兵又不
能朝發夕至而兵來賊遁徒滋煩擾爲今之計莫
若訓練鄉勇平居守望相助有急則合力撲剿庶
稍有濟查本縣鄉兵已經時加操練惟是百姓各
有身家糧徭旣責其遠運糧草又欲使之分身以
急公事勢所甚難合無申請俯往應募鄉兵除地
糧應納外暫免本身丁徭俟事平之日照舊徵追
在

朝廷所豁無幾而凡茲鄉勇蒙軫恤之恩自無不鼓
勵思奮矣又本縣土瘠民貧去歲禾麥失收糊口

三水縣志

卷之四

三十九

無資近供應各項軍需愈疲奔命監門之繪有所
難盡見今運涇糧草竭蹶陸續輓輸然途遠力艱
兼賊寇密邇旣乏裹糧之儲復懷內顧之憂不無
觀望稽延仰祈恩准近運邠州彼處有車路可通
且見駐固原鎮邠州營兵馬可以支銷如此則民
困漸蘇供運必多 憲諭所云殘黎稍有起色軍
需供辦無悞 卑職 或可藉以無曠厥職也再查本
縣底廟一鎮爲咽喉之所界連真寧賊寇猖獗兵
民俱不敢來往雖 卑職 數年來極力訓養百姓皆
知忠義不其從賊然賊勢滋蔓兵不一至保無有

勢孤情危使供賦之地反爲賊藪者乎應請

憲飭駐防兵馬時常到彼查巡庶百姓知我兵有
鷹揚之威愈加奮勇而逆賊聞風亦必斂跡矣至
真寧賊寇雖多但皆烏合之衆前繳偏二副將領
兵到縣請以一紙書詰問真寧縣賊皆抱頭鼠竄
倘得一支勁旅直搗巢穴蕩平亦可立致此在
憲臺廟筭屬邑均有厚望焉

請免荒糧

看得荒糧包賠之累疊經備詳在案復蒙駁查見

憲臺以事關 國課深加慎重至意 卑職 何敢復

三水縣志

卷之四

四十

爲置喙但思民爲邦本賦由地出若地旣荒賦將

安出民旣逃亡 國課亦將何賴乎 卑職 身在地

方目擊旣真不得不呼籲 高明之前者本縣土

瘠民貧自古已然因明季節年增派所以原額賦

重其從前苦累載在通誌減糧議中已蒙

朝廷殷鑒蠲除無容復贅矣茲惟順治拾叁年因捏
報墾荒派在見糧賠納百姓逃亡甚衆遂併熟地
成荒康熙捌年秦屬蠲免案內豁除民困稍甦
但所蠲免者乃捏墾之虛數而熟地成荒之實數
尙未豁也彼時前官以奉文查捏墾包賠故止將

原報捏墾數目造冊詳報而因包賠逃亡熟地成
荒情由未及詳請槩免致有今日之累非既奉蠲
免之後逾時未久復有荒糧如許之多也今經五
年多方招徠逃者仍未復業細詢其故有逃竄日
久死亡無踪者亦有思其地荒糧懸一歸而逋糧
爲累者因而裹足不前致使見在之民賠納困苦
勢必轉徙堪虞竊恐逃者未回而見在者復逃荒
者未墾而熟者復荒官民受累將何底止至於河
崩地畝因連歲淋雨暴漲前詳亦已報明况本縣
山高川狹一經崩吹徹爲石田非如河道平衍東
三水縣志

卷之四

四十一

崩西灘可比若給以老荒之地則一望榛莽又豈
熒熒孑遺所能施五丁之手哉伏見
朝廷蠲租賜賑覃恩屢頒卽如隣近寧州一州荒糧
萬餘前蒙 督撫兩憲具疏奉

特旨蠲豁此子惠元元之德意普天同戴懇祈憫念
殘黎俯賜轉詳 題豁使見在者安心樂業逃者
必聞風思歸招徠勸墾不過數年內而原額可復
所謂有人此有土有土此有財者是也

請撥例暫寬考成

切照本縣邑殘民困疊遭寇掠錢糧催呼不前不

得已據情詳請援例展限仰祈垂鑒茲蒙檄查見
上臺天地爲心誠下邑更甦之日也本縣地本瘠
薄民無貿易惟以農務爲生去歲春苦潦夏苦旱
秋苦早霜麥穀委屬不登百姓顛連無告至有食
穀皮以克饑典子女以糊口者又軍需緊急運寶
運漢運興運省以及運邠運涇率貸數金而催一
役費倍蓰而致一石且運漢運興中途遭變米豆
付之烏有種種艱苦不惟疲於奔命實已竭其脂
膏况自去冬土寇竊發慶寧變亂本縣密邇賊境
出沒擾攘劫掠之慘迄今無有寧日屢經塘報在
三水縣志

卷之四

四十二

案亦屢蒙調發官兵征勦在案非敢有捏飾也既
值此慘禍民不聊生雞犬無存驚鴻莫定遠者穴
處巢居呼之不敢出近者鳩形鵠面刑之不忍加
猶幸民知大義不甘從賊涇州糧豆陸續輓輸在
新餉既苦竭力則舊餉益難併征是以拾叁年未
完錢糧催呼不前職此故也本縣以彈丸之邑當
慶陽全郡之賊防兵不滿五十捕員亦且乏人
職一手拮据勞瘁備嘗豈不知考成爲重功名可
念第處此時勢實無可如何耳况卑職一人之功
名不足惜竊恐有礙

各憲臺考成究竟無益於國課而且有累於民生早職所以不避斧鉞據實詳請者也伏祈俯鑒轉達察例題請寬限官民幸甚

請停緩續派糧草

查得十四年續派糧草先奉文撥運邠州旋改運涇州正在督催間忽遭逆賊入城之慘民心惶惶不免觀望嗣而賊勢鴟張攻剋堡寨燒殘麥穀民益風鶴靡寧然早職多方撫諭百姓陸續輓輸今又改運平涼極力催督前後其完米豆壹千叁百餘石惟草束一項委難輓運已據里民哀控備叙

三水縣志

卷之四

四三

情由申請蒙憲批布政司查議通報在案昨又同周司獄審供申報在案早職非不知軍需爲重

祇緣本縣迫近賊巢出沒不常迄今一載無有寧日方追呼稍有頭緒忽聞警遂即逃散小民自顧身家不暇安望輸將恐後乎此催運之難一也本縣各有八里而東北之椒村職田北宮三里與真寧接壤南之蒲村一里與石門關毗連皆慘遭寇掠逃亡過半僅存四里亦無全甲全戶舊有四鎮集市今底廟職田土橋三鎮皆已荒廢民生日蹙賦稅無出寬之則追徵不前急之則愈思逃竄此

催運之難二也本縣設在萬山之中四面溝崖崎嶇自古無車輛可通肩挑背負所運幾何而平涼往返千餘里動需半月則此一月之內能得幾運乎此催運之難三也有此三難復有新舊本折車折夫驢省倉郿縣各處解運之繁勢難兼顧力難分應所以不能依限速完者屈於時勢無可如何耳查各省用兵地方皆有停征緩征之例即秦省被賊州縣亦有徼息豁免者本縣與賊爲隣同一殘破而民知大義始終不肯從賊獨不可格外加恩一視同仁乎伏祈憫念殘黎輓運之苦下吏督

三水縣志

卷之四

四十四

催之艱俯賜鑒宥殘邑幸甚

請改徵草束及免車輛

看得本縣邑殘民困至今極矣久在照臨之中無待贅瀆但賊寇之擾攘晝夜不寧軍需之輓運南北奔馳何敢言瘁所最苦者惟運平涼草束一項蓋本縣僻處山陬溝崖崎嶇自古不通車路並無車輛若一驢所馱多至七八束而往及十餘日止足供一驢之食何以交納一夫所擔僅可四五束而一夫之盤費工價不啻數倍民何能堪所以米豆能運而草束不能運者此也至於派運涇州直

輜尤爲苦累本縣旣已無車令往邠長等處僱覓而邠長亦在用車之時僱覓難得若云折驢計用驢七百九十頭不惟驢畜屢遭寇掠而喂驢之工料費更不貲若云折夫計用夫一千五百八十名不惟民多逃亡卽見在之民各有應納糧草運平涼運省倉運郿縣並無空閒之身可以應役况近慶陽復叛真寧賊寇文肆鴟張不當留此百姓爲守禦計乎值賊寇厥屢之後民窮財盡正賦催納不前又何堪此額外之供八里小民等所以嘵嘵額控也甲職非不知軍需爲重但目擊地方一限

三水縣志

卷之四

四十五

於地勢之不得行一限於民力之不能堪不敢不據實上達伏祈憫念殘邑與各屬不同請將草束一項仍舊徵銀起解與其虛懸不可得之數以疲民孰若稍一變通而民困可甦正賦無缺乎其運涇州車輛除已押解民夫赴涇運糧外請祈

憲恩特爲豁免倘萬不獲已則如平涼府所申僱車一輛價二兩二錢此項委無額銀僱覓等語本縣照依價數備銀解送平涼府自行僱覓斯亦兩全之策也伏祈俯鑒裁奪施行

再請改徵草束及免車輛

竊照撥運平涼一項

早職

極力督催寢食靡寧奈

百姓經殘破之後疲困已極茲復隣寇告警風鶴

尤甚

早職

不避艱險躬詣各鄉勸諭督催據各里

民哀訴時值隆冬歲暮凍餒難行且運解米豆驢

夫被賊搶掠尙有未回父哭其子妻哭其夫慘目

傷心難施之以法矣其草束萬難輓運前後屢經

詳請在案在 上臺以軍需爲重未暇詳察地方

情形未荷俞允然向蒙 吳藩憲身臨其地昨又

蒙委周司獄目覩其形

早職

豈敢有一字虛飾乎

地勢旣不得行民力旣不能堪

早職

力難排山術

三水縣志

卷之四

四十六

乏點金將何計可施乎况運過米豆雖抵正賦無

幾而民間已費數倍矣至於派車七十九輛因山

溝崎嶇自古不通車路業已折夫若干名驢若干

頭押解涇州輓運交平涼訖有被賊擄掠蒙平涼

府憫念發回者尙有未回者小民間風畏避中途

遲延此又豈一二解役所能禁乎更有請者按糧

均派固出至公但本縣荒糧甚多見今椒村職田

二里逼近賊巢里甲皆已逃散餘里亦逃亡多半

實難與各屬同論卽如咸陽派車五十四輛永壽

派車四十五輛而本縣派車七十九輛今試取三

水與咸陽並較人皆知其弗若也而派車且過之
况既不通車輛折夫折驢數目過多民力有限其
何能堪此耶竊恐民生日感逃亡日甚將來軍需
更不可問矣在卑職勢處萬難罪無所逭而百姓
情實可矜伏望俯加軫恤原情寬宥官民幸甚
請改徵折色

竊照本縣荒僻小邑百姓夙稱貧窮而此時尤甚
錢糧舊有逋欠而近歲始多緣地方迤邐賊巢叠
遭蹂躪十室九空而各處輓運本色役繁費多不
堪奔命是以民愈困而賦愈缺爲今日計有可以

三水縣志

卷之四

四十七

恤民力并以濟軍需者不得不切實冒陳也本縣
設立山中溝深徑險車輛不通其草束萬難輸運
情形屢據民詞申請改折蒙 憲批查議見候批
示在案至派運米豆雖見在勸輸飛輓但道途險
遠無車可運背負不過二斗驢馱不過四斗所運
幾何且往返動需時日暴糧有費喂養有費賠累
不費每役數人而致一石之糧費數金而完一石
之額殘黎何能堪此乎况新舊併征十三年運省
倉鄆縣長武十四年運省倉涇州平涼十五年又
運平涼省倉合計三年共派運米豆一萬八千三

百五十餘石額數既多奔走又繁就人而計之本縣行差丁四千一百八十一口將必併差二十年之丁而後可以足役就銀而計之本縣起運額徵一萬一千七百餘兩將必併竭十數年之賦而後可以足額百姓前此之輓運者無論矣即如今歲兩月有餘共完米豆六百餘石民之供役不下三千餘人民之費用不啻三千餘金而筭抵正賦僅六百餘兩由是以推民無休息之期賦無完納之日勢必民生愈感國課何賴上下交困終非計之得者况隣氛日熾百姓風鶴靡寧此尤可矜可

三水縣志

卷之四

四十八

念者也

甲職

目擊時勢孔艱再四思維止有將派

運糧草俱改徵折色庶民困可以稍甦正賦不至終缺與其虛懸難完之數以爲民困孰若議一變通之計以圖有濟耶

甲職

從

國賦民生起見不

揣據實切陳伏祈軫念殘破僻邑實與各屬不同特賜恩卹俯從所請百姓幸甚下吏幸甚

請賜寬免

查得本縣土瘠民貧夙稱上疲不幸復迫近賊境屢被擾攘人畜槩遭荼毒地荒丁逃不得耕種者十有七八兼各處輓運糧草役繁費多皮骨僅存

民窮財盡未有若此時之甚者卑職屢將被賊蹂躪情形塘報在案并將殘黎各年錢糧難完情由詳請蠲恤在案業蒙憲恩查明十四年未完錢糧題請蠲緩是民間困苦已在洞鑿中今幸撫遠大將軍疏請寬免奉有部行此正憲臺加恩軫恤殘黎仰望更生之日也所有各年未完本折起存錢糧并被隔百姓地畝理合據實造冊齎報伏祈憫念邑殘民困慨賜全蠲庶予遺者思安故土逃竄者聞風復業於以維民命而培國脉非淺鮮矣

三水縣志

卷之四

四十九

請免房稅

看得本縣夙稱荒僻小邑民皆穴居野處家在城郭者寥寥卑職履任之後脩葺城垣招來人民疏通行旅城中烟火稍有可望然亦不過酒麵爲生非有經商舖肆可比不意隣寇侵犯城郭民家槩遭拆燬加以兵馬往來重爲踐踏百姓盡行遠徙借居村堡數載經營悉化榛蕪矣今所存壹貳破屋見住防兵及過往兵馬宿歇之所已無人民居住若責以徵稅不惟房主無人承應且恐招徠愈畏避不前耳又本縣設立山隅從無水陸馬頭止

有四鎮每遇集市之期席地爲肆日中貿易並無
店舍况寧寇竊發以來底廟職田土橋三鎮或近
賊巢或毗山藪皆經焚劫久成丘墟而張洪一鎮
名雖僅存舊無街宇均難徵輸宜乎小民賈宜等
之合詞具控也伏閱 部行有隣近賊寇城池鎮
店如有不便徵收聽 督撫詳查具題等語本縣
既接賊境又經殘破正與 部例相符請祈俯念
民艱援例豁免百姓幸甚 卑職 目擊凋殘苦况不
得不據實上達伏望垂鑒

請免夫驢

三水縣志

卷之四

五十

案查先奉文派雲棧驢八十頭又奉文派黑水峪
驢三百四十八頭今又奉派舊縣關驢二百七十
七頭三次共派驢七百五頭每頭折夫二名共折
夫一千四百十名在軍興時急公之誼亦何敢辭
但本縣經賊寇破殘之餘瘡痍未起逃亡未復實
難與他邑同論者蓋非獨驢夫之難而盤費腳價
之尤難也本縣越溝踰險百倍艱辛每夫一名議
價二兩五錢驢倍之計用夫一千四百十名該腳
價三千五百二十五兩以荒殘之邑歷年錢糧多
方敲比尙不能完乃一旦令出數千金之費其能

之乎雖云夫驢按糧均派但本縣地荒糧懸見在
之民賠累獨苦今所派不惟倍永壽長武淳化之
半且倍咸陽三分之一以三水視咸陽其堪比擬
乎卑職知軍需爲重極力催督將雲棧驢八十頭
折夫一百六十名已經押解運糧訖黑水峪驢夫
合筭其往驢一百五十三頭亦已押解起行訖其
未完及驛縣關之驢見在催解而合邑士民咸稱
力萬難支哀號之聲不忍聽聞竊思本縣屢遭寇
掠民逃地荒見在招徠未集若再加困苦勢必轉
徙愈多民力旣竭必致軍需愈悞况一夫背米二
三水縣志

卷之四

五十一

京斗折市斗止一斗四升約計費二十金而運一
石之糧民財更爲可惜派數似可酌減卑職忝居

民牧目擊情形不敢不據實上達伏祈

憲慈憫念殘邑格外施恩俯賜寬豁存此孑遺之
民生功不在開疆拓土下也

請豁逃丁

竊照三水葭爾小邑僻處山谷之中屢經兵燹之
餘土瘠以荒民稀而貧前在秦屬蠲免案內本縣
所豁丁糧較他縣獨少且地方與慶陽接壤邇年
降寇猖獗肆行荼毒民不聊生相率逃亡者不可

勝計而其存者又皆伶仃孤苦鳩形鵠面有鄭俠
之圖所不堪繪者矣茲奉檄編審甲職稟遵

功令矢公矢慎確見本縣八里里無全甲甲無全
戶民生疾苦慘目傷心然死者不可復生逃者尙
可復回乃多方撫諭竟未復業細詢其故皆因歷
年積逋負累已深又見輓運本色派撥夫驢疲困
難支所以徘徊却步恐作他鄉之鬼耳前奉

督憲批據小民李三陽等所告丁逃地荒事轉行
到縣甲職確查死逃丁八百七十五丁冊報已蒙

憲慈彙入請賜寬免案內詳請 題豁在案今當

三水縣志

卷之四

五十二

審編之時應否卽准其開除此格外之恩出自
憲裁非甲職所敢擅便也合請明示以便造冊詳
報

請免地稅

查本縣原係山僻小邑先定有地稅三十兩歷年
賠累不堪蒙 總督鄂有地稅不宜定額之請民
慶更生今又累遭賊寇見在地稅分毫莫納何能
完二百兩之額是徒以苦累民生而究不得增餉
實用委難定額徵銀詳報在案今奉駁查再查看
得本縣荒殘已極歷年正賦敲比莫完幸蒙

憲恩於請賜寬免案內開豁若此虛懸地稅更苦
徵輸無着况地有肥磽物有不齊秦省非江南可
比三水又非秦中州縣可比何能照例同日而語
也卑職非不知軍需爲急但目擊民生困苦不敢
輕議伏祈俯鑒轉達寬宥

請寬鹽功比較

看得本縣山陬僻邑壤接延慶徃例捉獲功次原
因花馬池路通小鹽私販自北而南今平慶俱經
變亂已逾年餘大兵見駐平涼北道間隔商旅不
行且本縣不幸與賊爲隣疊遭蹂躪地方荒殘已

三水縣志

卷之四

五十二

極食鹽之家逃亡過半集鎮盡成丘墟徃來視爲
畏途又安有私販之人可以捉獲圖功耶况衙役
寥寥數人因軍需緊急各處催運糧草押解夫驢
奔馳靡寧難以分身解比伏祈垂鑒暫寬功次比
較候事平之日仍舊報功解比此出於時勢維艱
不得不上達以邀 憲恩者也

請改徵折色

查得本縣拾伍年分兵餉銀壹千肆百壹拾餘兩
零已經徵解通完訖惟本色糧草壹項因本縣山
溝深險車載不通驢馱背負所運無幾而徃返動

需時日奔走靡有休息費數倍而算抵正賦十不
得一又奉派各處運糧夫驢柴百餘頭約費數千
金財竭力疲至今而極况自拾伍年柒月以前疊
被賊寇搶掠民逃未復今因輓運困累逃者日衆
而見在者奔馳於秦州鳳翔商州舊縣關各處之
役甲職雖極力督催苦於無民可比所以不能依
限通完者職此故也甲職慶將糧草難運情由詳
請改折既蒙司詳 憲批如詳竟未蒙允行在民
窮於運納在官亦窮於徵追惟有束手待斃而已
見今考成在卽不獨上下有碍而

三水縣志

卷之四

續 五十三一

國課亦無所濟伏乞

憲臺俯念殘邑實與各屬不同恩准改徵折色庶
百姓便於完納正賦不至終缺矣

請免續派夫驢粟米

看得三水痾疲之邑又經寇殘之餘民逃地荒困
苦大不堪言屢經詳請在案業蒙

憲臺將節年逋欠錢糧具 題蠲緩而本色難運

准改折徵是三水之百姓叨沾 洪恩已深且厚

而百姓之苦情荷蒙 慈鑒亦已詳且周也甲職

正在撫慰殘黎宣以

憲臺德意招徠逃亡勸輸稅賦不期軍興旁午派
運浩繁其從前之輓輸勿論矣卽近今奉派商州
驢壹百拾捌頭續派驢壹百頭三派驢壹百壹頭
舊縣關驢壹百伍拾貳頭續派驢壹百壹拾叁頭
三派驢壹百伍拾貳頭鳳翔驢伍百玖拾頭續派
驢伍百伍拾頭秦州驢貳百捌拾頭續派驢伍百
玖拾柒頭山陽驢肆拾頭共計貳千柒百玖拾叁
頭本縣無車若壹驢折貳夫筭當用伍千伍百餘
夫矣以本縣額徵糧壹萬壹千餘兩計之腳價之
費浮於糧額以行差丁肆千壹百捌拾壹丁計之

二水縣志

卷之四

續二

力役之人踰於丁額似此殘邑千遺之民而能堪
之乎甲職每一擗檄惶怖不知何以報稱輒思本
縣百姓困苦久在 洞鑿必蒙軫恤無待贅陳又
思軍需急緊民瘼或無暇及因而不敢詳請一面
勸諭催運晝夜靡遑今幸完將及半實收亦陸續
齎報矣無奈百姓之血力已竭驅策不前而逃亡
日衆况本縣前因本色難運詳請改折今仍派運
秦米柒百柒拾餘石程途愈遠背負愈艱徃反動
需月日終無完運之期甚至百姓因此苦累多藉
口遠運而徙倚他鄉逃避不歸者不惟軍需輓運

無人而額徵兵餉亦因之輸納缺悞矣伏讀
憲檄以秦鞏荒殘曲加恩恤則本縣地方亦經寇
殘而百姓不甘從賊獨不可作同仁之視乎卑職
目擊情形深思後患有不忍不言之情亦有不得
不言之勢不揣據詞實請伏乞

憲臺憫念殘邑與他邑不同將續派各案夫驢粟
米俯賜蠲免使得悉力料理初派未完各案勒比
實收則軍需民生兩可無悞其以奠安邦本非淺
鮮矣

以上諸詳俱蒙
憲臺垂鑒如給示

三水縣志

卷之四

續三

草准改徵折色又十四年未完錢糧具
題蠲四緩六派運夫等項減十分之二此皆仰

荷
憲恩以恤殘黎謹識之傳茲奕世

詩

古者諸侯卿大夫會盟鄰國微言相感當揖讓之時必稱詩以喻其志蓋以別賢不肖而觀盛衰焉孔子刪詩三百五篇以垂勸戒以正人心此詩之所由始降而漢高祖風歌以及魏建安晉太康之末其體三變五言起於蘇武李陵六言起於谷永七言起於漢武帝使群臣為栢梁詩而其源皆肇於三百也幽國僻處北陬各流鮮至故唐宋以來作者寥寥其登大雅之壇者獨有二三君子所咏誠夜光之圃王樹之林與

五言古

北征

唐杜

甫

襄陽人
工部員外

皇帝二載秋閏八月初吉杜子將北征蒼茫問家室

維時遭艱虞朝野少暇日顧暫息私被詔許歸蓬蓽

三水縣志

卷之四

五十四

拜辭詣闕下怵惕久未出雖乏諫爭姿恐君有遺失

君誠中興主經緯固密勿反未已臣甫憤所切

揮涕戀行在道途猶恍惚乾坤含瘡痍憂虞何時畢

靡靡踰阡陌人煙眇蕭瑟所遇多被傷呻吟更流血

回首鳳翔縣旌旗晚明滅前登寒山重屢得飲馬窟

邠郊入地底涇水中蕩潏猛虎立我前蒼崖吼時裂

菊垂今秋花石戴古車轍青雲動高興幽事亦可悅

山果多瑣細羅生雜橡栗或紅如丹砂或黑如點漆

雨露之所濡其苦齊結實緬思桃源內益嘆身世拙

坡陀望鄜時谷巖互出沒我行已水濱我僕猶木末

鷓鴣鳴黃桑野鼠拱亂穴夜深經戰場寒月照白骨
潼關百萬師往者散何卒遂令半秦民殘害爲異物
况我墮氛塵及歸盡華髮經年至茅屋妻子衣百結
慟哭松聲迴悲泉共幽咽平生所驕兒顏色白勝雪
見耶背面啼垢膩脚不韞牀前兩小女補綻纔過膝
海圖坼波濤舊綉移曲折天吳及紫鳳顛倒在短褐
老夫情懷惡嘔泄臥數日卽無囊中帛救汝寒凜慄
粉黛亦解包衾稠稍羅列瘦妻面復光癡女頭自櫛
學母無不爲曉粧隨手抹移時施朱鈿狼籍畫眉闌
生還對童稚似欲忘饑渴問事競挽鬚誰能卽喚喝

三水縣志

卷之四

五十五

翻思在賊愁甘受雜亂聒新歸且慰意生理焉得說
至尊尙蒙塵幾日休練卒仰看天色改旁覺妖氛豁
陰風西北來慘澹隨回紇其王願助順其俗喜馳突
送兵五千人驅馬一萬匹此輩少爲貴四方服勇決
所用皆鷹騰破敵過箭疾聖心頗虛佇時議氣欲奪
伊洛指掌收西京不足拔官軍請深入蓄銳伺俱發
此舉開青徐旋瞻略恒碣昊天積霜露正氣有肅殺
憶昨狼狽初事與古先別姦臣兢菹醢同惡隨蕩折
不聞夏殷衰中自誅褒姒周漢獲再興宣光果明哲
桓桓陳將軍仗鉞奮忠烈微爾人盡非于今國猶活

淒涼大同殿寂寞白獸闈都人望翠華佳氣向金闕
園陵固有神掃洒數不闕煌煌太宗業樹立甚宏達

幽騷四首

明文翔鳳 邑人

遠山青於天返山青如眼好眼爲誰青山遮眼光短
山外是天涯山色不可剪苞裹蓮心中千瓣交深淺
自我念遠人衣帶日三緩嗷嗷南雁翔不愁銜尺簡
隙駒白幾何瞬息歌棗纂逐電縮鉗竄好跨百花輦
昔我觀流水頗亦寓遠情行行出左谷委蛇本通涇
通涇不通渭渭水正奔橫渺彼秦漢畢更阻長都城
飛堞冠天杪縹緲九霞生青門連朱戶赤縣界崢嶸
三水縣志

卷之四

五十六

鹿臺交二水雙鯉下游并

人耽夏日長我乃憇相裏非我乏風襟塵勞良亦夥
日道又南征風箕正揚簸撫此虛堂靚百煎重磊柯
因感元亮貧松菊尚倚儺何處通三逕詞辨空炙輶
脫粟上盤餐痴腹猶堪果糲貧遠難期是兒最信叵
曠代挺其才高唵或自歌內觀燦心花菡萏青一朶
鴉鳴尚求晨迎白入林杪曠此遠人期寤言良擗標
狼籍新雲殘破碎繁星小好音不可棄我心頻祇攪
安得垂空牋立付蓮花爪反覆折肝腸其情向誰討
長畫控風歸川原跡如掃如以斷腸花易我忘憂

褰裳往就艱坐謝餘顏老

春行石門山中

孤巒峙萬高蒼烟橫群壑其下冰鬚寒垂垂尙戍前
空說山光宜不道春色薄雖則春涼薄人情未全惡
昔予此駐馬錫名以捫天青遠開秦甸紫來控漢關
攀條入七里抉竇出九灣陟巘復降沚赤墳來正殘
再興自白陂厲風摧折之呼僮射風伯冉冉至夾池
五臺與巖薛崢嶸向兩眉乃知甘泉宮只在石嶺西

五言律

石門道中

明秦渠邑尹

三水縣志

卷之四

五十七

聞道石門險特來險處遊兩山夾崖合一水吼關流
日擁長安近雲連紫塞浮君門應萬里回首不勝愁

萬壽湫

明文翔鳳

一夜豐隆擊神工隱斧痕龍蟠仍此窟魚服想如銀
謫蒲須朝帝濤來卽躍門他時憐故井偏贈雨翻盆

紀遊

漫造翠屏陰穠桃逼澗森稍泉斜瀉王雞阜上捫參
輿壤京丘野籥章雅頌音定知嗣作者前達其披襟

聞雁登王案樓

聞鴈夜登樓山空水送秋漸磐吟王案排字韻霜寒

月聯行淺齊雲數點流隱人於此際不免和詩猴

再經悟空寺

明文毓鳳邑人武城令

當年三笑處此日又重登碑落蠱爲字堂虛鶴是僧
有泉堪振錫無得問傳燈擘擘青蓮色支公見未曾

遊稍泉

文濤邑人

幽徑蒼無際捫蘿到水頭看山僧共坐麈句鳥相酬
雲落空潭影蟬鳴古樹秋登高聊一望暮雨鎖煙樓

長至日泮宮告成集諸生瞻拜引有林逢泰邑尹

余承乏幽土見學宮傾圯愀然久之竊嘆世之事
佛者招提蘭若不惜金錢奔走如鶩至學宮榛蕪

三水縣志

卷之四

五十八

漠然置之殊不可解或云佞佛異其獲福多靈應
也余笑答以聖人道大固不待論卽如人讀其書
僂能識字知義理不讀其書僂不識字不知義理
此豈非至靈應者乎適王司訓至因令董其事與
諸生謀共脩葺先捐微貲爲之倡一瓦一木不以
累及民也幽土瘠苦寒或屈於力或阻於時是以
遲之三年迺竣厥功然此心歷三年如一日其始
末載在文俶明先生記中告成之日值南至集諸
生瞻拜禮成而紀以詩伏念先君子倡道筓堤
特祀學宮雖關閩異地而淵源相接故末語偶及

之承諸紳士賡和酬韵若有會於旦氣之旨益以見道南一脉嚶鳴不孤云

人文千載蔚輪奐一朝新壁沼蒙泉動德星并埜陳飛葭融九谷立雪重吾閩南望筍堤石遙含泮藻春

和韻

王

採

延川人
邑訓導

仰止筍堤化遙聞如昨新傳心旦氣遠明德五經陳

筍堤夫子倡明
旦氣註疏五經

堂構今成泮芹香頃若閩趨陪光俎

豆應報上林春

又

文倬天

邑人

猗歟師水北思樂泮池新璧府圖書見璜宮俎豆陳

三水縣志

卷之四

五十九

陽生時法夏旦氣學宗閩曼碩維侯績瞻依在萬春

又

泮水光華麗橋門氣象新五星奎始聚六代樂方陳

文運原開漢聖功共頌閩彼都于邁日葭管正飛春

又

張

侗

邑人
海澄令

幽陽鐘鼓地初日又從新瑞氣三階集卿雲六管陳

文章識後載家世見前閩吾道誠何幸西南一色春

又

張壯猷

邑舉人

思樂何年事美哉此日新駿奔多士列長道我侯陳

夜氣全歸旦幽風竟似閩筍堤流澤遠不止慶陽春

又

第五淑熹 邑人

聖教復淳古鳩工堂構新道涵璧沼奧化被鼓鐘陳
開學於東曾傳經自建閩筍堤邁德早花蒲河陽春

又

第五淑愈 邑人

宮墻闕數仞俎豆復更新翠柏時寒操豐碑古徑陳
琴聲流采藻臯比景南閩問學溯源遠筍堤到處春

又

王相之 邑人

昔頌筍堤教今觀璧水新後先臯比應南北雅歌陳
旭日明初載德星燦八閩欣承於樂咏何以繼陽春

又

王光烈 邑人

三水縣志

卷之四

六

誰闢宮墻草忽驚此日新作人先藻采學禮愧詩陳
筍石來西極林風度七閩迎陽開且氣拍拍蒲襟春

又

許桂 邑人

載咲從公邁趨瞻廟貌新音昭鸞藻美禮教豆邇陳
且氣開幽谷芹香憶古閩正當快立雪何羨光庭春

又

張侯 邑人

令節欣從始宮墻此日新衣冠環璧動桃李映階陳
繼述知先德淵源有後閩何須鄒子律芹藻咏長春

又

文龍軒 邑人

城闕闕宮古風香采藻新築堤疑筍繞 先是水不至
泮林今築堤

改繞其前以禪風氣濟壁聚星陳文物依然魯淵源溯自閩巖
寒吹律蚤幽谷盡生春

又

文龍標邑人

廟貌千年舊鸞聲此日新子言詩禮雅士樂鼓鐘陳
再變應過魯越衰好向閩筍堤勤仰止立雪亦含春

又

馬三錫邑人

鼓鐘鳴豫治物象一時新奉壁羹墻近環橋古道陳
文風開北地學海重南閩更喜日初永菁莪千載春

又

王翼邑人

先進作人意淵源啟緒新五雲迎藻采八代起文陳

三水縣志

卷之四

六十一

遶壁懷洙泗環橋憶筍閩龍門欣得御瞻禮萬年春

又

林逢元晉江人

淑氣來天地文觀向鼎新茆芹留壁獻櫺檻徹星陳
海內源宗泗關中派接閩律吹郇國黍香薦蒲宮春

又

林逢濟晉江人

屏峰縈壁翠奕奕向陽新風散絃聲迥水洄藻色陳
文光橫井斗旦氣徹關閩幾動望洋嘆書香拂座春

又

林繩謨晉江人

閩闔文明煥重開祛履新香芹花縣繞芄樸洋林陳
奎聚垂雙澗雲書望七閩擬將盈壁水分濯筍江春

又

文崇袞 邑人

翊聖傳心遠環橋式化新一朝輪始煥百代雅方陳
南至奎連井西來關續閩昭昭色笑日池草自生春

又

張爾猷 邑人

家世詩書舊作人廟貌新橫渠源水合堤笏德星陳
絃誦全宗魯美墻宛見閩幽陽今復且鄒律正吹春

又

任 璽 邑人

衣冠踰濟日丹蘄一時新玉曆吹陽至文光鉤井陳
列槐迴北斗觀海羨南陽白雲誰為和長懷荀石春

又

第五鑾名 邑人

三水縣志

卷之四

六十一

其聽鐸聲遠譽髦槐市新一陽蒸且氣半鑾繞勾陳
棠蒂方歌召鶴邸却向閩坐風欣有脚瞻仰狄門春

又

王達可 邑人

王律陽和至璜宮且氣新趨踰盈壘水色笑映勾陳
文化如興蜀聖功更頌閩臨池華藻麗紅紫總同春

又

周崇雅 邑人

作人欣作廟盛浴煥然新小大從公邁圭璋髦士陳
天文迴北斗且氣接南閩大道無疆界藻芹處處春

七言古

幽歌行

唐李

白

彰明人翰林供奉

幽谷稍稍振庭柯涇水浩浩揚湍波哀鴻酸嘶暮聲
急愁雲蒼慘寒氣多憶昨去家此爲客荷花初紅柳
條碧中宵出飲三百杯明朝歸揖二千石寧知流寓
變光輝 霜蕭颯繞客衣寒灰寂寞憑誰暖落葉飄
揚何處歸吾兄行樂窮曠旭滿堂有美顏如玉趙女
長歌入綵雲燕姬醉舞嬌紅燭狐裘獸炭酌流霞壯
士悲吟寧見嗟前榮後枯相翻覆何惜餘光及棗華

七言律

春過郇邑

唐鄭

谷

宜春人世號鄭鷓鴣

百里花封俗化淳名踪盛跡半猶存峪評白虎藏巖
三水縣志 卷之四 李三
洞地湧金泉過石門舊縣城頽三水鎮故家樹老五
林村碑殘墮落夫人塚苔蘚年年長淚痕

又

一脈清流何所之縈蕩漱蘚入僧池雲邊野客尋來
處石上寒猿日落時聚沫遶槎殘雪在迸流穿樹墜
花隨烟春雨晚閑吟後不復重遊黃鳥坻

石門卽事

明劉

狝

州訓導

峻嶒石壁千山遶豁達雙門一逕開更有藤蘿掩日
月豈無龍虎出蒿萊空中樓閣供奇玩眼底風雲起
俊才聞說扶蘇遺廟在年年烟雨爲誰哀

遊王泉觀

王泉觀裏柏森森培養靈根異鄧林甘露點珠多麗
澤暖風吹雨挹晴陰霜枝峻絕朝華老勁節孤高晚
翠深日見棟梁成大用掄材端擬重南金

暮春舟翠樓讌集

有引

林逢泰

五尹

予重脩邑城建南樓題曰舟翠蓋取公劉舟王之
義而翠屏山卽所謂迺陟南岡是也抑先聖有言
君猶舟民猶水得夫舟之義夫亦愈思水矣辛亥
暮春告成集諸紳士落之文俶明先生賦詩志歎
適同人過此登覽和咏併錄以志風雅云

三水縣志

卷之四

六十四

恰攜春酒上層樓八澗屏峰積翠收百室桑麻慙政
拙數聲蛙鼓對琴謀鶯花繚繞雲侵袖雉堞飛翔水
起洲蒲座薰風憑剪拂何須姑射羨城頭

和韵

文倬天

邑人

斷續煙光暮入樓山旒水帶望中收登高喜近郇侯
座作賦殊慙王粲謀兩腳遙垂芑黍籠雲衣半覆芾
棠洲花朝對飲懽無極疑在綺霞最上頭

又

張

倜

邑人

登高此日羨層樓極目幽風一望收青靄遙從碧澗
峯峯直與白雲謀政清冠履趨前座日暖鶯花撲

遠洲嘉燕有加歡未已佇看婦影燦城頭

又

李日焜

晉江人
寧遠令

息馬登臨上翠樓溪光山色爛難收桑麻漸滿還幽
古雉堞高翔壯遠謀種秫無田慙五柳鳴琴多暇羨
瀛洲冰壺玉尺君家舊佇看尙書正黑頭

又

王鐘鳴

惠安人
莊浪令

彭令停驂上翠樓幽圖滿幅望中收溪邊桃柳屏山
色郭外桑麻良宰謀舟水相依通九谷鏡煙互映在
三洲舊時父老傳遺蹟爲指芾棠遍隴頭

公先任隴西
有鏡煙紀錄

三水縣志

卷之四

六五

又

文龍軒

邑人

秋空縹緲庾公樓列代流風檻外收信識南薰能化
俗何勞西顧動深謀四郊靜吹安籬戶千里哀鴻集
遠洲從此幽風重續雅嘉名應上御屏頭

又

今夕何緣舟翠樓蒲山秋色座中收神君城上隣姑
射賤子風前媿仲謀澤被二南寧百里盃深五斗卽
十洲自從車馬函關度已識棠枝過隴頭

又

昔日幽亭此日樓遺風在昨尙堪收授衣莫道千年

湖酒還因萬壽謀
每每平田連翠巘
蒼蒼秋水澹
葭洲丹青難繪仁君力
四壁端尋顧虎頭

又

周崇雅 邑人

兵燹百年見此樓
山城今始有冠旒
窮簷夜靜無驚
犬瘠土春深不佩牛
翹首風雲瞻北極
憑欄稼穡眺西疇
文高漆水真兼隱
製錦心閒對白鷗

又

林逢元 晉江人

俯瞰縣花恍萼樓
風隨南至拂絃收
垂青柳意當樽
舞滴翠山容到檻
謀聲落八窻飛碧
澗光搖四座傲
滄洲榛苓造企西
方美舟水何如昔
隴頭

三水縣志

卷之四

六

又

林國珩 晉江人

孤城猶喜有南樓
眺覽煙光几席收
不盡風雲生筆
興好將詩酒與山
謀遠沙鷗白依寒
渚隔岸峯青遶
翠洲遙憶故園丹
荔熟輕薰移向洞
軒頭

丁巳春日登舟翠樓感懷用 林彙菴明府樓

字韻

楊紹武 富平人
永嘉令

偶來縱目一登樓
萬古風光次第收
接檻羣峯皆北
向環城諸派轉西
流原田未改先農
舊陶穴依然太古
儔最是比隣多負
險連年鼓角動邊
秋

又

振衣百尺眺危樓多難登臨恨未收川谷居然當險
側鋤犁遂可抵龜豸倉庚半雜哀鴻耳南畝惟增轉
粟愁撫字誰憐賢牧苦每教對酒皺眉頭

又

神功鬼斧此層樓雨過嵐光滴翠流
泃水灣如朝縣郭南岡勢欲顧磯頭
依稀樹影窺懸岸縹緲人烟出
半溝惆悵幽風多古意須知當世有公劉

幽邑八景

有引

文倬天

邑人

暮春霑雨浹辰閒居岑寂檢讀王父鉅賦內有幽
邑八景有題而無詩殊爲缺典且題有公劉故址

三水縣志

卷之四

二十七

公帝新宮但故址在半川湮爲丘墟新宮在邑內
鞠爲茂草荒煙冷雨之中莫可探識今妄改以翠
屏新霽石闕舊關庶爲都人士所共見聞者勉成
八詠以紀厥勝云

磯頭煙雨

紅泉湧處有潛蚪吸氣爲雲帶雨浮夜積新濤鳴礪
底朝騰宿霧覆山頭陰膏夾潤來青壠澍脚飛涼人
翠樓不覺蒼茫暗水口泃川風景一時收

槐堡晴嵐

射虎將軍駐五兵戎戎小市接山城槐生虎目留雙

樹旭引雞聲出萬楹水氣蜿蜒侵案濕嵐光斷續拂
衣輕屏山日暮朱霞起倚徙殊深今古情

五峯鎖秀

五鳳山高插碧空蒼茫影落暮雲中朝生潤氣還成
雨夕建霞標欲化虹似涌螺屏圍八澗應通地脉接
崆峒有人學得長生術共采芝英到大隴

七級凌空

浮圖嶽嶽傍祇林忽闢孤園徧布金八部龍來扶地
軸七層鳳儼下天琴銘成孝武烱常鎖勢壓慈恩霧
半侵阿育圓功已八萬曾留寶刹鎮城陰

三水縣志

卷之四

本八

翠屏新霽

南岡積翠列如屏雨後蒼涼曉氣青練挂懸岨留宿
霧嵐囚老樹隱殘星山痕帶滄朝圍堞艸色含煙暮
入廳好向舟樓深處望巒花渚柳媚前汀

石關舊關

怪石森天關一門誰提十萬作兵屯秦儲湫濬蛟龍
窟唐帝關開虎豹垣箭括溪通爲颯穴蜷連石起卽
雲根雖然吭扼雍州界鳥曠何妨守巨藩

玉泉古柏

老柏陰森覆碧泉霜皮駁駁不知年根蟠十畝青銅

古葉綴千尋綠結鮮倒挂虬枝常溜雨遙飛黛影欲
參天良材久有精靈護鐵骨曾經幾代煙

山寺聞鐘

幾處鐘鳴過石磯化城夢破聲微微悠揚欲帶朝雲
落颯杳遠隨暮雨飛午夜更殘空色界中天月湧淨
禪機聞音悟得無生理獨坐松窗萬慮稀

武亭紀事

有引

林逢泰

邑人

歲在亥枵月旅蕤實余重脩演武亭蓋文事武備
意也浹旬而工成於是召邑之魁魁者較射試馬
於其間爰題其柱曰干城映縣花此日雄風開翠

三水縣志

卷之四

六十九

岫原隰環營柳千年佳氣敞雲臺志喜也余謂斯
亭習射講武固也卽耕者旅者可於此而避風雨
焉有遠行者可於此而祖餞焉又邑之厲壇舊在
東郊余以爲非宜改置西郊捐貲購地適與西壇
毗卽在場之左凡歲時享祀亦可於此而更衣盥
沐焉是非徒以演武且以觀禮矣并紀以詩

七月幽風五月寒綢繆未雨擬登壇周家元老歌方
召宋代軍中識范韓洗甲何妨膏稷黍穿楊况可酌
椒蘭由來王國多桓桓遙望渭川拂釣竿

和韵

文倬天

邑人

澆澆郊雲炤水寒群傳漢將舊登壇三時菱舍今推
召五色卿雲已見韓其憲觀兵追細柳誰能琢句和
幽蘭會朝堪奏鷹揚績曾向磻溪把釣竿

又

文龍軒 邑人

誰使西人心膽寒武功今日在文壇願從較獵忽知
李復喜激雲久識韓二澗流風舟仍玉一川芳艸嗅
如蘭于今不借維屏力翻笑徒勞篳篥竿

同亭觀射 有引

林逢泰 邑尹

余公餘之暇閒步署旁周視有射亭舊址在瓦礫
中爰闢其地命胥役壯丁習射以脩武詩云二之

三水縣志

卷之四

七十

日其同蓋幽人遺風也亭之左右環植樹木尋得
一井甃之以資灌溉令民間有願農圃者聽耕種
其中斯亦與民同之之意也仍舊址築一亭爲觀
射之所歲甲寅重陽工成名之曰同亭偶集文俶
明司理王福宇守戎張克其孝廉第五文昭文起
二太學觀射俶明賦詩因并紀之

築場爲圃與民同追步郇邠拜下風懸榻花前隨王
塵焚香夜半和丸熊雲間鵬落鏃如樹塞上騎輕雪
滿弓極目郊原空抵掌且將萸菊莫論功

感懷再用前韻

誰賦無衣與子同屏圖難更繪幽風夢中旄旗翻蕉
鹿河畔留星映獵熊沙苑鴈群憐帶箭石鞞裨榻笑
張弓吾儒深負蒼生願投筆何能早獻功


和韵

文倬天 邑人

篤公講武頌其同亭上威生艸木風雨澗寒來堪于
貉三單教就在非熊霞觴徧注躋堂酒月影常隨較
射弓讌飲不關行樂事澄清汎水有殊功

又

張壯猷 邑人

匪康近與古人同千載幽郊咏舊風戎馬不生看走
馬非熊小試簡如熊漫勞羽扇飄舟玉且向匏尊弄
三水縣志  卷之四 七十一
畫弓湛露未晞歌醉止三單默就不談功

又

第五淑愈 邑人

昔年奮武奏來同此日威稜振古風醪飲中山騰士
馬凱歌南國壯羆熊懸侯射的看調矢獻馘塞旗有
角弓郊野清平成盛治登堂洗筆慶元功

又

文龍軒 邑人

幽公此日慶攸同猶是當年績武風農隙不妨懸正
鵠狩餘爭羨盡如熊西來月窟全斟酒北望天山好
掛弓一紙能賢師十萬誰將頗牧奏神功

又

亭上秋光四野同，座中綸羽快生風。
指攜列陣排空，鴈咲語高旌。
應非熊，汎水沙清堪洗甲，屏山煙靖莫張弓。
願將杯酒釋兵事，蚤上循良第一功。

又

馬三錫 邑人

奮武揆文事，豈同幽侯談。咲樹長風宇，中幾處嚴刁。
斗郇上而今，比豹熊自是循良。能守土，非關州閭善。
彎弓巖城，莫道勳猷淺。鎖鑰千年，頌寇功。

又

林逢元 晉江人

木落秋聲處處同，迎寒射獵自幽風。
屏浮積翠堪馴，鶴石躍沒金。可似熊細菊，泛杯長倚劍。
垂楊環圃動，三水縣志。卷之四 七十二

又

林繩謨

兩度函關景不同，脩矛今復賦秦風。
學詩祇媿庭趨，鯉講武誰能圍。格熊井冽泉光開，水鏡亭涵月碧落。
天弓獻豸自是幽人，舊竚看氛銷。飲羽功。

又

文龍標

西郊爲報射夫同，如堵欣瞻相圃風。
緩帶曳雲丰皎，皎長歌續雅氣。熊能傾盃怒繞龍泉劍，飲羽爭懸飛衛弓。
不戰屈人真大勇，旭光銷盡是元功。

再登舟翠樓用同字韻 楊紹武

城上樓臺今古同我來極望眼全空石門絕巘千峰
外皇澗清流萬壑中王氣銷沉餘墓道聖功締造見
幽風憑欄無限悲歌意不爲浮雲惱塞翁

龍山八景

文倬天

龍管飲練

獰龍昂首下青冥化作竒巒臥艸汀醉隱壺中間日
月人推彼美在榛苓漣紋百折環河帶翠靄四圍繞
岫屏一綫寒烟通鳥道深山無事戶常扃

懸崖柏靄

嶙峋石上枝披離鐵幹中開隱士基一片寒雲添黛
三水縣志

卷之四

七十三

曲徑煙雨

綠樹蕭森絕徃還逶迤曲徑白雲邊自開三路追陶
令誰躋六龍上蜀天峽氣朝昏能作雨松陰晚散半
飛烟花木從此通幽處潭影空明亦是禪

石梁晚照

太乙山人住綠嶠斑龍五色橫成橋瀟潭迤照翻懸
壁竄窟衝風亂怒潮日影三竿起蜮箭奔雷百尺過
空梁鶴唳溪前艸坐對寒雲萬慮消

古寺踈鐘

蘿封敗壁少人行
斷碣殊深今古情
鷺去雲昏香水
海鯨號月湧琉璃
城堦前艸引悲風
起嶺際鐘催爽
氣生紺馬幾時歸
極樂苔痕滿地暮
雲橫

霧泉飛玉

紅龍艸畔見虬潛
水氣橫飛密似霰
忽遇深溼通海
脈何時卓錫出風
尖三春玉瀨咽高
澗百道銀絲挂
古巖不獸寒冷止
洗耳清流自酌淪
茗鬻

平山落瀑

奔流界破翠微東
每至松溪憶遠公
絕壁千尋拖匹

三水縣志

卷之四

十四

練晴光百尺挂
垂虹滯懸沈茫朝
如雨谷混涵虛暮
欲風悞認廬山三
月瀑波飛亂石下
空濛

孤嶺松簣

輕陰半嶺落青霞
誰種蚪鱗出斷榭
葉送寒聲撼扃
豹枝搖澹影走龍
蛇非關雨灑大夫
澗饒有風清隱
士家一夜笙簧來
兩部孤峯高臥興
還賒

七言絕句

感咏

秦渠

畫鼓皦皦坐夜深
國儲民瘼總關心
使君漫道微官
短巨眼還須看後人

九日過弟菰園

文翔鳳

躬耕與汝耦烟溥不向人間荅問津天濶且看鴻鴈
度黃花白髮正雙新

幽署秋感

林逢泰

翠岫秋空暮雨晴荒烟斷續壓山城手無柯斧徒憂
杞露白行間闐蟀鳴

武亭泮水幾經營百雉高樓一手擎極目烽烟迷野
戍當季悔不請長纓

羽書雲駛客心驚新築西橋汎水泓聞道萑苻全解
網思波倘可起魚鱗

三水縣志

卷之四

七十五

山郭蓬蒿曲逕盈金風搖落酒帘輕轆轤井滌悲鴻
鴈市上醉人已半醒

空塔獨步拂花楹不待重陽菊蕊榮寄語醉鄉今冷
落白衣溷許共呼觥

甕香軒比艸菁菁手撷葡萄似水晶莫怨螿娘琴裏
入屏山鶴唳九臯清

菱柳亭口占

有引

甲寅乙卯間遭亂余城守戒嚴有云西堡爲昔避
患處官署倉庫在焉蓋圖諸余毅然非之繼逆氛
猖獗及於難人皆咎余守經而不知權余無以解

乃嘆昔人剏造良有深意且憑高臨險爲城保固
因捐資鳩工仍舊址而鼎新之乙卯秋築右橋曰
縣橋蓋周之初生始於幽所謂縣縣瓜陔者丙辰
夏葺其堂曰井勸按井爲幽分野而易云君子以
勞民勸相竊有志焉復顏之曰鴻冥鶴和蓋一時
未能高飛遠舉不得不冥冥以避弋慕而君子居
其室出其言善則千里之外應之出身加民乃鶴
和之義以自警也堂後築一亭取材於一柳而成
文俶明先生手題曰芟柳昔陶令門前種柳余今
以柳爲亭斯亦倣陶之意而俶明乃欲以柳倣棠

三水縣志

卷之四

七十六

固幽人忠厚遺風余益恣然挾背矣率爾成韻

西方彼美歎榛苓遠眺石門雲半肩夾澗垂垂驚弋
慕一枝寒碧掛鴻冥

孤鶴凌霄遶翠屏鳴陰子和迥郊坳不知何處吹羌
笛絮起霏霏葉滿庭

當年舟玉響瓏玲此日雙槐再結亭漫說輕陰留瓦
影呢喃燕語入疎櫺

東井分明燦列星寒泉洞酌小橋冷石頭恰對真人
洞乞得楊枝水一鉶

百尺樓頭手一經焚香紫几讀西銘祇慙椽筆開三

徑湧浪去來夢未醒

昨夜蟾蜍吐火熒曉歛幽鼓雪風零誰將玉斧槐槍
掃獨上高臺更問青 仲春望月紅如火

奉和 林父母泮宮告成韵 馬象麟 邑人 桐廬令

誰云廟貌古觀總環橋新日旭一陽動官懸六代陟
化同文被蜀教似常開閩壽考作人遠香生桃李春

又 馬乾吉 邑人

何年鐘鼓地此日泮池新猶憶三千侶欣聞四教陳
音聲遠播魯邑笑近宗闕祝拜作人壽勝遊泗水春

又 董子 江人 江北令

三水縣志 卷之四 二十七

盛周基化地泮藻復生新緹室一陽動瓊宮六藝陳
文瀾澄汎水且氣亘南閩 節提雪塔深長坐春

又 林國珩 邑人

萬年開勝地尋尺萬年新雨化宮墻煥風光桃李陳
絃聲宣嶰谷藻色漾泉周 其善山陽會長存且氣春

夫詩有六義其二曰賦賦者古詩之流辭之大者與卿雲之頌網罟之歌同致釋名云賦敷也敷布其義君子以見其志也詩人之賦麗以則詞人之賦麗以浮台綦組以成文列錦繡而為質其金石之聲歟西京作賦獨推少白太青橋梓金陵十二首已芬人齒僅錄其切於幽邑者以垂縹緲豈特登高能賦為大夫之才耶

北征賦

更始時班彪避難京州發長安至安定作

漢班

彪

郡人徐令

余遭世之顛覆兮罹填塞之厄災舊室滅以丘墟兮

曾不得乎少留遂奮袂以北征兮超絕跡而遠游朝

發輒於長都兮夕宿瓠谷之公宮歷雲門而反顧望

通天之崇臺乘陵岡以登降息郇邠之邑鄉慕公劉

三水縣志

卷之四

七十八

之遺德及行葦之不傷彼何生之優渥我獨離此百

殃故時會之變化兮非天命之靡常登赤須之長坂

入義渠之舊城忿

之

穢宣后之失貞嘉秦

昭之討賊赫斯怒以北征紛吾去此舊都兮駢遲遲

以歷茲遂舒節以遠逝兮指安定以為期涉長路之

緜緜兮遠紆回以穆流過泥陽而太息兮悲祖廟之

不脩釋余馬於彭陽兮且弭節而自思日晡晡其將

暮兮覩牛羊之下來寤曠怨之傷情兮哀詩人之歎

時越安定以容與兮遵長城之漫漫劇蒙公之疲民

今為強秦乎繁怨舍高亥之切憂兮事

之

患

不耀德以綏遠兮顧厚固而繕藩首身分而不寤兮
猶數功而辭譽何夫子之妄說兮孰云地脉而生殘
登鄣隧而遙望兮聊須臾以婆娑閱

之

兮

弔尉印於朝那從聖文之克讓兮不勞師而幣加惠
父兄於南越兮黜帝號於尉佗降几杖於藩國兮拆
吳淠之逆邪惟太宗之蕩蕩兮豈疆秦之所圖齊高
平而周覽兮望山谷之嵯峨野蕭條以莽蕩迥千里
而無家風森發以飄颻兮谷水灌以揚波飛雲霧之
杳杳涉積雪之皚皚雁雖離以群翔兮鷓鴣鳴以齊
喙遊子悲其故鄉兮心愴恨以傷懷撫長劍而慨息

三水縣志

卷之四

七十九

兮泣漣落而霑衣攬涕以於邑兮哀生民之多故夫
何陰曠之不陽兮嗟久失其平度諒時運之所爲兮
永伊鬱其誰愬亂曰夫子固窮遊藝文兮樂以忘憂
惟聖賢兮達人從事有儀則兮行止屈伸與時息兮
君子履信無不居兮雖之

何憂懼兮

鉅賦

明文在中

邑人 禮部主事

邠之胡叟戲西極子曰若之半川何如邠西極怍焉
有不服之色拂纓而前曰是何言歟夫雍乾方也於
北斗屬其柄第一天下之勝在雍雍之邸在邠邠之
秀色在半川將挈海內而來不足有所加邠何論邠

之胡嬰垂胡而笑曰老夫病偃僂不能任屨杖造雲
莊覽鴻檠固氏惆焉爾爾內闕也雖然終頽聞之西
極子扶胡嬰於座徐對曰文人居母幪小子臚之以
代丈人之王趾夫邠之大原三而半川則獨吞后稷
公劉鞠陶慶節皇僕毀隄九世之靈焰乎中條東以
棗池爲扃牖西則泰羽作邊陲南望則踰雞紅之嶺
北據則峙堡嘴之屨此其川之四極大略也迺爾宿
應井鬼之野杓執華山以西邇則胞脫於石門遠則
胛孕乎崑侖故其來歷最遙氣鬱淳而波紛紜也當
其背夏涉秋水潦四至大雨流行洶湧之浪輻湊而

三水縣志

卷之四

八

盈則吾川門庭之外遂成江河可以運鱣舸西有巨
池注泡集之波方十丈溢則洄旋而出沛乎西馳漫
衍滂沱獵於石澗趨涇之波舒鳧野鵝於是乎濯羽
焉樹之垂柳環爲林羅說者謂王氣叢乎茲湫故繡
斧公之後獨蕃衍而猗儺若其餘沫流灌底於下隰
階而爲堰遂作隩區號曰神臯厥苗蔭蒨厥土翻膠
黍稷幪累木卉薈苞榲槐百常環列街巷隔之樗蒲
搖以垂楊白枌之枝旃隨風颺士女莘蕤歸自隴畝
或耒或耒不見紅光若夫季春之末綠草縹縹鳥鳴
洋洋女執懿筐遵彼微行景我先豳求我猗桑或採

葵菽以和蔗漿或籠新萁或絡赤莧或擷鬼日子如
耳璫或載水壘以碎梗殃或篋鴻蒼或收茗蒲或刈
毗師調於黃梁鳴鳩拂羽戴勝旣降結爲鞦韆或學
鴛鴦梳視袿袿袂張張舞紉而熙襟裾垂芳袴帶
纒纒碎彼鳥翔縉佩委委香纓瑿瑿暇則治葵占供
盞觴洗曲脚之鬲烘附耳之鑪農夫荷鋤鑿而歸則
爲之烹黃雞以蕩暑氣傾康瓠而酌蔬漿或拖衣於
簷則累月或捲衾於第而落霜夫豈贈芍藥於洧水
采唐草於沫鄉冶容而蠶以姑邵嫵之武惠胥宇之
姜弛昧旦之警而湛於太康也哉乃觀南宮以北羽
三水縣志

卷之四

十一

鎮之東禾黍徧野膏沃而豐畛罔磽确與秦隴同千
耦維耘麥浪扇風織夫須以爲笠張桐葉而隄空燕
麥兔絲雜於糜戎蒿藿野菅綠澗而生溽濕之涯或
敷蒲葦池潦之西則有羅溝萑蒿泝焉菱荻爲菜溝
之西陂有水涌出方四尺餘澄映清甘執杓而飲之
則金光照耀焉謠曰金泉是爲吾川之名瀏學士俊
髦搦管之思所以盪澗不得而灑存幽想溶溶潏潏
者也泉之東北堡嘴峙焉方九百畝而築之四面巘
巖綠脊而脇旣曠且遐極望焉或不能臨深崖百仞
載夷載嶢蓋盛時屯兵禦寇之大鎮蕩爲坵墟芻此

得城隔憶余垂髫吟書之時倦於筆墨也則挾髻童
一二訪牧豎於岩阿適遇夫擔者荷禽鞭羊互歌予
亦釋黃卷而兒嬉弄夕陽之蹉跎或呼蜺螭以奪梟
或擲腰鎌以注莎或摘天瓜以寄食或掛鉞弋以東
菽或飲於泉或偃於坡縮龍鼓以爲枕刺蕪擊之婆
娑當斯之際振蒿爲檠編蒲爲騎騎執華鬣稚態紛
拏野花構袖靡事不佳豈復議天台之孕五芝而焦
獲之獻三禾哉既焉借五六以于歸提莎雞以寄籠
睇遠邇之村落歎樹木之壽考也翫鬱而不斷若匹
練之惟幾雲影儼眸以垂露不差池而埤埴暝色
三水縣志 六卷之四 八十二

峽且而寒岸清風颭颭而來旅櫓欒嫵媚景如玉
令人凝眸而不暇語笑談嘉雨不能息雖課讀於比
舍亦踟躕而游佚至其花紅水梨羊棗櫻桃之屬則
往往而有用非取之非所悵情治菡牡丹石竹雞冠
金盞玉簪薔薇紫荊棗無洛堤並楚園樹之書圃與
後苑請誰紛藉靖姪互見誦聲稍停投壺設宴序天
倫之樂事窮子之樂之幾卷步長者之後躅或倒幘而
游衍觀河不厭於恒沙鶴籠已寄於陽羨嗟蘭亭之
已往過離黍而三嘆傷濛汜之淪汨思賜谷之初餞
寓蟬游於朝暮何紛靡之足戰脫南冠於楚囚解天

發以自便大運委諸陽九胡流涕而掩面蓋我高祖
侍御公之垂枝旃乎來茲也實一葉而百綻三日不
食土壅厥面長孺過而太息朱雲望之流汗故其遺
澤流乎後代夫旣九世而不勝其餐啖迤我中祖東
山公之耕石門也以布衣而萬鍾初無瓦之一片壽
八袞而兒五如玉樹之麟爛鴻基爰創於白丁拂髯
不負於載弁天倉決而不涸來雲頌其青盼太學公
倜儻而博交發璞而玉銜六葉逾茂四龍咸宦陰寬
平以宅心不作色而樹善冀州公學綜而才高軼唐
宋而躋秦漢名震北斗以南辭爲函谷之冠維二兒
三水縣志

卷之四

平三

與兩孫頗能囊其琴劔天昌厥後遠萃霞烟陔生九
葉蠶出八眠若夫大竹暢風流於物外步艸書於張
顛壺關性敏達而通方判案牘如席卷紹興記萬言
不崇朝倒黃河於翰端奪南宮之灼錦振清譽於芳
季少公挺淑質於妙齡掃千軍於筆椽染墨精於義
獻侍西清之細旃惠淵髮賜達而求藝少蒼亞仁孝
於淵騫滋庭前之竒樹走明珠於玉盤至若松盤公
鍾黃鶴之清骨餐丹藥而引季棄功名如糞土繼五
湖而撐船建昌公負九尺之長軀毓本性於澹恬恥
狗華而逐物隱光曜於靈泉東川才崢嶸而能言經

世故而抱謙商水遇事至則風生罔藻飾其幅邊羅
江苦心思而篤志樹名節爲籬藩別駕挾科第之偉
器拾紅埃於晚年斯皆西伯氏之苗裔抑或潞國公
之支派者也何行事之迥連而滲思之湛沉洵可垂
青竹而不朽奚不付姓字於史臣抵某小學後輩焚
膏油於青歲慕曹劉而哦吟驚騏驎之濶蹠激毫光
於青雲傾武庫於滕王賦鸚鵡於芳樽拂鳳羽於霄
堦出鵬翮乎蒼垠戴總不盈於五尺咸希班馬而撰
文白眉於馬却駕七步爲之斂襟裁尋章而摘句輒
餽醜而飲醇豈非天之所授祖惠之蔭哉且謂爾將
三水縣志

卷之四

八十四

何以臺之胡嬰作色而起命西極子曰聞之多錢善
賈長袖善舞崑山多玉冀北多馬皆神鬼之所幽張
非可以人力最而圖也夫蜚英各而勒鴻伐厥宗則
輩不匱人洵可陋顧陸之大姓於江表而小謝王之
名族於西都矣但區不過十里之內而欲譚百里之
溪山碎諸鸚鵡不出乎蓬蒿借前箸而思與大鵬窮
宇宙論扶搖豈不悖哉粵三水之始置縣也實泐跡
乎公劉之故丘盖夫不窋窠於戎翟郎之篤公劉而
民麻赤鳥將啣書以授圖夏殷挈疆陲而歸周遂陟
嶽而降原佩鞞琫以定籌振鞠陶之頽運顧差弗而

爲謀歷古公與高圉延九裔於澗陬當夫昆彝爲乳
之始亶父走馬之秋則西伯聖瑞胎孕乎此發之黃
鉞昌之明堂潛伏陰黠而權輿其萌勾非卽江漢爲
界割三隴而二之世袍襴而箕裘已招手嶠函之外
而朝八州逮夫泰誓八百於盟津之戊午建萬國之
社稷如坏壤齊州幾點作浮煙九鼎剖裂成水漚是
時伯邑振鐸康叔邠載而下則有若莪文考之第十
七子焉雖不紀厥名於公毅左鄒實削桐葉胙茅土
於邠郃鄆毛魯衛之外封此柁邑而爲侯於漢則孝
景沿之爲柁邑元光更之爲三水新莽復柁邑之故

三水縣志

卷之四

八十五

號太武隸三水於恒州大業移於隴川廣惠遷於職
田至正入於淳化成廟屬諸邠州十二而爲里甲名
則肇於三流蓋指芝川梁渠並縣河而得名若夫王
泉白馬稍泉迺津之濺濺者爾縣之立號豈緣此爲
由哉志者曰公劉故城在今之邠東北五十里蓋度
夕陽而幽居允荒不聞渡涇水而造梁設舟注幽者
曰幽在邠州之三水則三水爲正地而邠假冠之邠
無南岡容刀何陟或者睇隘巷之坊而息后稷過公
劉之里而夢裊篋則遺腹繪父而貌非肖燕人涕慕
而泪空流越惟東距嶺坂西吞隴蜀與鬼之精散爲

雍州自鬼谷范蠡諸葛譙周咸云東井十六度至柳
八度爲鶉頭氣運乎北地與上郡下滲諸秦幽之古
湫則峪口甘泉以北天地別爲一區興廢背向之源
執管者嘗得而不細相校讐夫邠據於盧芳而歸莽
帝克於吳漢鄧禹而成奇功石洞屬於官家煙燼至
今有蹤二帥兵留殆數月以故得圖雲臺而與伏波
競雄君集小人王佐請穰職田故址尉遲築城五倫
決聖主於京兆范曄序橫渠之正蒙希文走下吏而
飛檄焦寅釋中庸而談兵少陵軻岐陽以入鄜叔皮
館郇邠而北征後望赤湏之長坂前臨昆池之右坪
三水縣志

卷之四

十六

名賢經之豪傑岫生雖彈丸之土揆厥所來嗟難得
而獻石叩竹以鳴也夫三水固蕞爾小都富腴非涇
原諸郡比然在殷周之際剖符之期則爲方百里上
公之畿山川包羅勢如布碁迤邐環遶於澗石疊嶂
之中馮隆蟠屈芒芒黠黠如箭括之相通扣石而啟
扉肖塤張浮圖之七級雞早負巨卵而威威磯嘴嶸
溟而產鱗翠屏蒼鬱而前垂蟠龍嶢峩於西鄙萬高
嶽礧於南陲唐山崆峒嶽刺於神樹之嶺馬羅狼牙
蘭陵鳳皇巖嶙嶭嶭如震如怒壘界焉而掀其髭抱
憂而樹旗由茲乎窮極於東北之隈則排積綿亘歲

裹而羅列者殆百里長者如蚩尤之揭竿短者如巨
靈之負橈矮者矍矍焉如競猶之閉目卧雄者矯矯
驕驕如犂牛後覺麟輶而垂鼻犍鬣髻靡泣乎林
木而喊嘶豐者如雲邈者如霓伏者如寢橫者如旄
白分水之岫遡乎金窩之陂隨地殊稱多坡陀之狀
難枚舉而翁闕則見其丘之崙者三襲融者再崖乘
者如輶階者如籬京者如樹泥者如陴梧者當途埒
者波趨蜀者孤峙歸者衆圍甍者甍覆墮者蛇透或
夾水而爲澗或夾陵而爲瀆或穴出而爲沚或下溜
而爲渠或過辨而滌洄或溪闕而扶疏或泄尾而爲
三水縣志

卷之四

二十七

漢或掩沙而爲豬或注谿而爲谷之口或注川而爲
谿之間則由東澗西溪而上尋溫涼之脈絡詰柏林
之洲淤登蒙恬扶蘇兩女之寨而憇馬過秦襄姚泓
之城而命厨神鬼之茶飲之助臙坂川之藿調
和、舖解衣而臨萬壽之淵則重耳之駢脇可覩執
匏而觀音之湫則沙蹄之駱駝何須夫三泉之澤
豈足盡幽谷之膏腴以供雲英之漿而釋渴麻姑也
與哉剛耳於黑石之巖以劇硯束茅於攢天之嶺而
結廬則石門之神沃蘇之英魂儲焉惟此石門邠人
謂之小終南竹箭稚蘗兔狐狸於是乎輸以比於

楚之九百里之雲夢而齊之渤澥青田孟渚焉以爲
百物之藪貨殖之府而資平蕪方予少歲爲學宮弟
子或三輔池陽有試事相譴諉則過此是時也登天
峯以獨盼解馬鞍於高岡戴蒲弁以傲日流汗沫而
成漿路刻峭而崑齧歷九灣如羊腸崖谷虺豁而相
視石齒燾鼻以緄張膚青磯以崩落聲砰訇而磅礫
選鬱律乎蛇盤越垠堦而鳥翔至厓賺則魂恐足踈
踐焉自防驚萬仞之屹嶮攀危枝而悼傷披豐萼之
茵蠢葉儵爚而閃光紛晻曖以翳蔚天暝暝而芒芒
草黝靄以無際棘扶疎以刺裳蠹嬖姍以陟危衣狎
三水縣志

卷之四

全八

絕峯訝嗽巖之相拜間娛遊以陶情或爬緣而節息
漱酸槭以激洎餐欖桃而豁瘳啖接慮以濯薰摘山
檣以網袋蔭鼠梓之落葉衝山巖之葑蔓傷百尺之
癩木病雍腫之樅檜斧栲枝以作杖採薇蕨而爲菜
治印鉅以供藥遂踔躒夫蕭艾剪萋楚以爲索繫木
瓜以下瀨羨以林之微草競唐蒙而翳蒼僕夫踞其
後步盜馬蘭而首戴於是乎蜈蚣亂鳴鷓鴣過澗鵠
鷓催穀天鷓脫絆鷓鷓戲水負雀林戰鷓鷓高擡戴
鷓食亂白猿爲之驚怖猿猱爲之遠竄狸狝懼而歸
穴安所追夫麇麇至其濡濕之阿陰淫之塹馬蜂作
三水縣志

卷之四

十九

巢於蓬科次蠶結網爲蚋患螿螬婬娟而散糞卽照
獵腐而弄電蚘羸不知有蠻觸蚍蜉聞羶而相勸蟻
銜入耳而致惕蟹蠶貪倉於壤片蛄蝥毒其八角天
牛飛而脚曼螫蟆怒於深池蛙蝦奮於穢賤蠹蟹不
可以聞蚣蝟往往紛見鼠負潛於石底蠍蠅羽如匹
練虹蛭鼓其四翼翰雞來而燭閃善萬物之得時傷
吾生之多患警軒冕之爲榮如東園之桃綻胡垂咽
於蠅足出域外而肆嫚入桃源而結茅獨白雲之堪
盼夫一縣之地可比古之侯封詎止訛已而已乎四
野之曠樹木丰茸更僕論之弗能狀容若夫遠客本

至酌羽觴以銷憂悵則八景可懸諸盡屏何蕭條而
鬚鬆灑雞頭之烟兩披槐堡之晴峯盼五巒之鎖秀
睇七級之凌空躡公劉之故址陟公極之新宮森玉
泉之古柏撞山寺之晨鐘助登眺之清絕起繩床之
懶慵侮造化而肆嘲出小兒之樊籠悟拳石之爲山
識盆波之瀆漚雨靡地而不足何致禱於土龍夫幽
東至於紅山百里而遙南至於姜濱五十里而遙西
至於炭溝五十里而遙北至於岱坡五十里而遙東
南至於漆沮百里而遙西南至於奉天百里而遙西
北至於義渠百里而遙東北至於橋陵百里而遙隔
三水縣志

卷之四

九十

之以三川間之以九溝立號於漢唐創基於殷周斯
亦天府之上國西北之雄都也故授衣鑿冰爲幽風
楚茨大田爲幽雅載芟良耜爲幽頌擊鼓殺犉爲幽
箒季子觀樂而至邠曰周之本乎首二南而尾之幽
風之極美之至也王道之終也談秦而不談邠則形
勢有餘土風猶惡由此言之邠何負於秦哉夏虫不
可以語冰堦蟻不可以語海挈子之川而易此雖附
之文馬百駟拱壁三穀紵繡千純珊瑚七樹連城雖
往和氏不來沙丘虧價徒築駿臺彼且道爾而不肯
受况可與之度量尺寸相與準折而爲市也西極子

再拜謝曰小子不敏不識忌諱據今晨之所聞睹
者之所見海霄相懸何翅梟牟乎哉夫觀廣陵者不
視釜沸登蓬萊之絕岫者不遊乎洲嶼顧先生進之
門牆毋棄過斯以往余將可語大理矣

快新秋賦

文翔鳳

秋六日吾以降維時收恢台之溽暑快其新爽滌
人爰解朝而賦之一曰反九辯

秋何爲者拚壹是詞人之惋咨而悽斷我獨別取裁
于肺肝翻向來浪判新秋之老案爰楚人之沈悵而
寡歡遂濫觴于悲哉秋之爲氣之一辯怨夫懷子之

三水縣志

卷之四

九十一

口實以交并也亦疇掬澹靚之光容向五情而灑練
若夫宋王之所稱悲見草木之搖落則絃然于蕭瑟
沈嶮之變遭薄寒之中人則慨其有宋寥增歎之歎
旣以爲登山臨水者之送將歸于遠行又以爲失職
坎壈而羈旅者念廓落之友生蓋亦就杪秋之遙夜
數忽忽適盡之歲華旣感遇中煩之不可解又霜露
之露其交零也霰雪之霏其糅加茲愴怳憤恨乎其
和魏堂之蟋蟀繼秦水之蒹葭以抽攄其懷沙哀郢
之餘所不堪抑遏于情氣之痲傷而煩拏于是太白
去國入楚亦盡以清秋爲可悲也陟則九疑聯綿之

雲莽舜林而互之降則三湘森遠之樹洄澄湖而遡
之望寒流之歸海計鳥道于不知幾千之故鄉曠佳
期之脩阻怨荆吳之天長至如河陽華省少陵白帝
竝攬興于凜秋咸哀思之激厲潘則云稿葉殞而屏
筵庭樹撼而袷衣颯班鬢于蟬冕思籠池之或羈鄴
優游于山阿指李歲以爲期杜則云菊開叢而晴淚
楓凋林而傷心接風雲于陰塞催刀尺于急砧冷滄
江之寂寞渺巫峽之櫛慘爾其礪磅披離而爲聲有
爲之哆箕舌于虛無之捷機不在萬柯眈眈之衰噫
百蟲嘒嘒之啁鳴夢得緣之以騷伊鬱永叔緣之以

三水縣志

卷之四

九十二

感黖星肆乃愴鷹驥之就絡據脫梧而神驚羨金石
之獨堅戒動物之搖精之數子所謂食六爻之碩果
履九月之肅霜蹇產侘傺之不得其平者庠抑未竟
新秋爽豁顛森之狀矯飛颺其洗河睪而暢坐情若
乃鞭則且以徂歸延室相而徠馭商火瞥其初流天
梁擘以乍度捲恢台之炎蒸向旻空而披素戛輕條
之琳風團清階之飴露擢金莖而潑雲起蘋末而躋
戶于是天宇晶而氣朗煙黛淺而林開山將月濯濤
與鷺迴數穎菟腹鏡浸樓臺掣練星河砌引瓊瑰謝
淫燠之驟失披荔裳之顛裁譬如背閩塵之湫噀上

王堂而延佇出湯泉之星痕卽蓮井乎霜沍展子求
于蹒跚忘五管之指天聽枚叔之要言立據几而霍
然其泠泠耳目之發明以曠曙也有如公石過中山
之肆壽陵躡邯鄲之倡不自知其葬酣骨以郎索戀
錦瑟之廻翔以三年爛熳不寤之醒狂忽破酒于醉
鄉以十旬流連愴歸之嬉荒俄改王而周行我乃旣
及扳織女之車又全睹嬋娟之面乞玉杵之搗霜望
瓊樓而授宴居然墮青天于飛羽之筵逼麗月于步
光之劍骨相清輕肌體便寧識塵非故契分全更琅
襟坐照重鑿心竅玻璃架明水晶塔妙何如華胥緣
三水縣志

卷之四

九十三

空櫻桃夢斷顧仙翁其在傍繫櫪頭之款段神出遠
遊幻蛻如委陟紅樓之三級遂辭訣于苦海自非擺
脫嗜慾之涂滌蕩濃豔之區旣芳沐而蘭浴悟性界
之清虛覺直前之綺麗爲空華欣過此之澄澈爲太
初其疇克亮新秋之皎潔若置身于玉壺者厚故曰
盛夏芒芒綺陌花坊百靈纂組萬卉寶粧綴粉黛爲
禮樂恐天真之見戕新秋皓皓璐嶼瑤島拂掃天門
滌除月道躋世界于神明喚浮生于白曉羌獨快其
謁太素之真空還上公之舊貫不藻纘而示竒尙精
光之神變揭空冥于虛霽信四氣之特冠衆莫解公

化工儂却賞其魁岸茲乃知以氣骨代色澤者天地
之真文章壯仙掌削青之太華陋錦湖搖碧之錢塘
譬如頽波之流濫于六朝者至狂隋而靡返突起一
八代山斗之主遂立箒從來揚箴之塵糠彼夫以針
絕絲巧當造化又渠識刻露峻聳之爛芒我將豎西
極之孤標領南國之衆芳拔爾于祝融毒烈之溼復
爾于金天靚曠之堂慎毋以天賜六經之管爲煙弄
花娛之具以得罪于戴匡氏哉自茲應不向我重夸
劉宋與蕭梁遂因寤聖人提群蒙之大寶果不在枝
枝葉葉之遠揚抑此景之可想其氣神武而不殺密

三水縣志

卷之四

二十四

洗心以追藏者虜不似副墨洛誦之旁馳而橫驚者
三千霜俄有一皇極翁立先天之日表以主測于三
百六十運之中央于斯是支離易簡之不可同調而
語持論者宜繩準以精神之透露柰何徒硜硜苛
于氣象之溫恭乎禮法之趨齷且若不見新秋之適
中而捐戾雖火攻之初收尚金風之未銳奉已脫烘
燬之酷豈遽罹霍靡之害旣蘊隆之剗鋤又芳縟之
菴藹淡有芬錢萍實之縱橫塘則藻網菱冰之映帶
魚款潮門之交游蝶赴籬落之期會挾苔痕而得泉
待篁簌之過籟時則芙蓉可以緝裳幽蘭可以紉佩

采浮金于桂粟聽輕玉于芟蓋雲雖薄而故閑鷓益
清而善唳不以文而病質良天公之所貴清明之氣
遒飛顛皜之色交綴江容爲之噴醒峯眉爲之破睡
走法象于珠盤亦何勞于圖繪計宵旦則平分問陰
陽則鈞萃方上春之和妍彼以進而此退顛宵雅之
全盛謠鹿鳴與魚麗我其灑然念清平之物色厚曾
三代之英之未逮昔者天子以是月齋三日之先庚
禮皞帝聘該叔覽盛德而出迎爰始以三公九卿諸
侯大夫有事于西成之郊埒還則乘始肅而行時令
賞武人而厲天兵練桀俊專功能理審察訟端平詰
三水縣志

卷之四

九十五

暴慢征弗庭坏城郭叶畢星于是帝以微爽輕涼詔
學便旣徙總章而居左个厥元子亦啟瞽宗而踐西
清樂則羽籥禮有疑丞瑋白玉于間席釋先師而稟
成薦穀麻于寢廟登廉深于殿庭尙古鳳凰以其時
至實中夷則而和鳴是謂天人休否之佳候抑匪獨
和仲之所宅昧而先營若曾諳孔氏麟經之義與厥
立名之不迨冬夏秋七月雖靡事事而必書則貴中
之指維允不然豳風八歌獨表十二政之首何居襲
一容之辯伯欽闕先王之時訓以蹈此迂也悲則悲
耳安知實沈氏之不笑以爲狂童之狂也且唏曰自

乃覽揆以茲晨兮肆厥尙之清而不隘堅峻骨之肅
貞風悅者難乎其爲頑兮非其道卽祿之以天下如
一介日在翼實太微之所宅兮肆作經以與之配啟
實嬪于天得九辯以下兮厥調自西幽生更裁而贊
諸帝不敢負天生我之勤劬兮良獨覺新秋之爲快
匪徒說鈴之與娛兮實發憤抗西皇之蓮獄于天外
維時政之不我使言兮聊纏纏及之以詔誠

西極賦

文翔鳳

賦源詩顧詞人之賦濫風愧雅鄭衛齊秦厥響維
鈞生民皇矣之義茂諸余嘉二京三都之鴻裁竊
三水縣志

卷之四

六

惋其筆遲指盪也嘗欲摹兩京賦賓金陵王燕雲
補何李所未構獻之中書滕之石渠顧仕非秘閣
暇宅十稔碩志惟頌頊賦介受家夫子命撰我祖
冀公頌廼造斯賦案日系以亂蓋三千五百言原
本山川遂及高曾每削華存實汔無廢飾姑欲當
張之南都左之齊都云爾其賦曰

離州典學溢顧越膺顧諷於西極子曰蓋聞提大綱
則七曜亘維抗壘釐則九隩環絡故搖光指泰華爲
標崙虛挹黃渠爲冠是用闡雄國於上腴棲陸海而
神臯咸京所以帶霓而踞矯首函夏也逝矣子北垂

之昨與窮陬齷齪板屋是宅烏隄有菴藹之風駢羅
輿志邪堞隄重雉唐迫肆筵胡華氏之燾泉隆崔也
軒高輕曾寶鼎龍翹蘭昆玉季鄂不雲歛意者三才
不相翳與西極子橋然若噎已乃咸輔啼曰姬余詒
女封禪之籍先柴而殿璧蓋取諸蒙也脩文德水繼
乃沉若亦尙厥宗也圖傲乎末流之瞽人吾子盍掀
昭破醒而闕大曙夫罟周南者亂以七月絃大明者
郟之縣爬夸鄴鎬而誚幽岐亦奚異來仍粵弓冶爲
田舍曰昔罔有聞也殆或狂夫齷之曩不窋失職鞠
陶卽陋戎翟五六錯趾其湊粵我篤公駮瞿鄙陂實
三水縣志

卷之四

九十七

胥斯原於幽斯館覲於京師舟王造曹三單厚茲夾
皇遡過芮鞫止基造草昧而建侯披屯邇焉模規霍
繹舊爨勺甌親姬歷慶節衍皇僕曩以高園雲以公
叔延施千季適觀灑淑皇矣還資導諸岐沃至若桑
用三纁納用凌冰徹田爲糧覲土順工叶以景圭統
以君宗遂廓王制上採幽風曼哉休遐斯子且君奭
所以其勤績緼者夫於是二公遺俗付諸彤管揚摧
緒烈抽攄縑綵咸總之於滕簡爲雅爲頌以授籥章
祈季登蜡獻之維良滌滌焉泝泝焉濯濯漚漚焉信
俶以令終孕靈臺與碎離安得忭然詡鼉鼓譟金墉

哉匪隋通嗜古亮靡究厥鴻崇也且夫幽爲西極隅
割四宇夏華博觀西行問土右裨上林巨麗續廡周
龍霏五廼胤於邠柏翳縣之內史攸分永元之紀立
號三濟盧芳制險吳鄧戈尋蘭臺漢書版章炳麟或
收中輔或翰陲垠橋唐湮宋犴獬有頻當柳八度入
井而深亭候鳥注辰次於鶉其南則峙仙寒廓雲門
甘泉凌鏡壁犀璠通天露掌泪墮銅人朝麤焦護
晏次長都椽樂虎落嶠嶸曾敷其北則赤湏長坂摩
虜蹕蹠旣靡適之又隱麟之脈敦安定隄側泥陽嘉
叔皮之襟理駢北征以周章遊藝文以排基涉膠流
三水縣志

卷之四

八

於彭鄉其東則堯門颯颯如綴漆壘嶠嶠窳窳
乍闢迤以葦蕒聯邈鬱律百物府之異芩禱屯都房
鬻角犇犇輪輪捫輿拽鬼靈璣閭闔秦獻兵晉於茲
之闔姚萇構架魏樓嶙珣痛扶蘇之何辛乃畢命於
秦牲其西則塚以仁祖實惟公劉齋滌涇濁印抱崇
丘三十七王職斯之繇嶢踈甍之摧隤軫軒岫其梁
輶儼祠禴之燎燭踏烝釋之溲浮蜿八龍之連蜷詒
巫陽與蹇脩厥草則繁萋萋萑鬱蕪樛菽瓜壺苴茶
稻黍麻稷葡萄夏腴辛芟秋秀赭榮素莖蔭藟岑岫
山圖躡阨筐不暇受厥木則女桑脆棗萃桐張梨

松河柳構參差池鄒構栗川文梓舉蕢桃管明李鳥
則間關伯趙睨皖鯨黃動股振羽棲必疊雙蹠足縮
掌鴟獾鳥翔遊鷗糗紫提提疆疆益錄尚名頡頏參
差稚閨聆之流韻懌怡僮子繳之叱喪雄雌獸則三
獲蜀駮駮駮粉獮貉狸獲獠蠱媚善狙競貓竊毛狼
跋其胡跡躔力荻媿魑迄俱過如隨階俟俟庶庶紛
泊鮮扁似巒被郊於是掌堅冰距閔壑罌峯窟絃林
薄蒲志歸堊歡此匏酌滢滢乎靈產洵土伯之九約
物既益只人亦宜焯是故焦寅談兵而友橫渠范育
儒行而注正蒙遺警欬於空谷尙需楸於道隆至若
三水縣志

卷之四

九

敵邑之獻署諸紆坦俛萊而處菸菑有墀左雞阜之
戍削兮携龍角而迎暎挂日母於嶄巖兮象切雲之
冠簪踐古公之復陶傳寢篔於王津逾溘求之石竇
萬本棧碧落之莫莫紛曖曖以樽搏豐隆不克捷輸
盤莫之柶鞭列缺於决皆斧盼蠻而琢闔胡載各以
官家豈泥蟠之潛遁右磯頭之峻嶂兮鑠溘溘之頰
思颺頷茹而盤渦兮黔羸彳亍以征廝中有稍源滄
淥兮如鬚何練要宛澤之猶夷也役穹石而駢怒兮
固形宅詫爲文星邇則珉琇挺其肌兮又何必枿庭
山而舩震湖始迺燦礪破之崢嶸其苒則衿翠屏兮

而手刈寇百常蠹其干曇勃率而不可辱他歧於是
長羸蒞止六遯蔡令挹蘭英兮亨筭俯臙垆兮展鏡
佃羲叔之玉軌浴剡剡以冷瀨其役則平行而都戴
我半川粟粟沃區暢并買其目胸兮田上上而壤黃
翁嘉卉兮九畹森喬植之千章徵地毛於華實彌三
岐與六莊隋曰隴川邑於此鄉唐置府兵介藩北疆
原而滋故川稱抑巨涌金沙跨虎渠采潦藻掣游絲
遂肇名於我里并列則穠露寶珠土膏則卷蠶削迹
亦猶九成貢甘於醴泉孔林筭蒼於叢棘譜延十世
派蕃兩族朱戶聯振孫青門擅雅俗彼常曲尺五王
三水縣志

卷之四

一百

巷烏衣雖艷貲不逮然絜表葵裘展不遠遜碩膚也
若乃按八律以紀候總四序於天歷汁乎通正蕩厥
締繡風來花信霜前鴈白鼠化則萍生鷹擊則蟀躡
朱明芊兮旖旎白藏凄兮清激和王燭而平暢故足
尚也肆先民之紀曰幽惟奧土銜墨乎雖生胡不括
囊其口取譽獲咎也哉爾旨典學佇貽郊席殆而申
訊於隱几日下走固匪固亦奚繇翫德馨悉魁殊擢
重性於錮包攬華平之燼都將子無怠尙本右胄之
歲狴誥玄靈而宣臚沆臣儷龍絜霏濡需西極子曰
茲客卿之詒金天摯鳳曆烏宮祗郊子拈其梗

蓋知祖疇若後先德韞韞後生之譽誰侔予美如之
何其轡虎蔚豹操觚如翮輒甘念宋杞也正考甫謁
周師得商頌十二奉以歸祀孔氏嘉諸銅川六葉咸
有述統諸王道頌緝御駐景觀縷颺聊成吾子之
雅蓋雒之靈聽曰蒼帝姬昌聖哲慈理故受命鶉火
垂黃演德經緯漢律系之以文或謂文氏文昭之輩
與我不敢曰夸其敢曰徵至若錯紀後至於左氏種
奏七術於葛山翁警循理於華陽潞國都元老於四
朝廬陵鏗正氣於陽九靈宿晨跡靡諫之宗姓志班
如元元厥支予之未覈姑以闕俟叩噓誰何阿叟越
三水縣志

卷之四

一百一

勝國以築茲廡黯兮靈矣稱海諱昌於我氏則大庭
乎蹠敝而稽昧昧漫漫如也天家初造鼻祖挺玉於
時匡衛之次端門西第一星明實惟右執法史佚兆
之曰厥應審直惠文公蓋副厥禎已荃抗性之碑宕
兮羞昌披以縮伸覽逞詰以撿芳兮快諄諤之鯁襟
謂咎繇賡載歌兮尚叢脞而效箴胡季世之德思兮
如祥羊之就燔邀時好以蜷局兮亦何取於乘軒吾
非問媿之曼睞兮柰何便媚而色事人誠不能赳赳
以容喬兮誓將逐方良蛟虵於無鄰象猩啼而萬笑
兮獨窳軼傑立於黃純不筵筭而裂麻兮皇亦未昭

夫徙薪於是盈庭繼壽儵臍組之三日下吏疇或咻
矣三日土擁謂不貯兮孤臣健骨氣彌煦兮拊檻之
雲豈伊尙汝出麾觀察功載萬戶繡斧金鉞宜公之
武何以方之三門底柱遺像儼如下民誰侮爾其督
匠而建文華也殿閣洞而陽開詔王爾命工倬西清
閎闔東序枚枚時青瑀於璇題對岱輿之嶧鬼蕭公
未央權宜諧哉遂援華以名子兮志君渥而寵徠惟
華質之繩纂兮亦羃歷而非微或貴以季命之及猗
或少學而禱而迨東山之素封躬莘畊而自撝蓋一
華兮五葉繁千庾焉遺禧裔夥够兮一炊萃家人之
三水縣志

卷之四

一百三

型邦人而陰鑄此亦赤堇之山破若耶之溪澗群神
下而天精布也肆允荒之居譽髦斯士賁而不昔鞠
也民之質矣恬而不昔黷也丙耀既薰靡息而彌匪
私謚乎殆稟和善背矣故其誕也帝乃雅以鳳觀表
以龍章黃中其腴理五續其肺腸同合歡之蠲忿慝
交讓之單芳寢門則蓮甫撥風肉食則丹葵傾陽於
是探鳥策叩石記綜七緯而合經本九丘以窮志汲
冢譚共竹編禹碑跡其丹字賤結綠珍篆素嬉說鈴
擷書肆左徒之騷天官之史繼火申且不知改歲役
選唐於塹鉛綜地妣之倫第總圓機而鏡九流操寸
三水縣志

卷之四

一百三

錄而裁億禩罄孔躄與西山矯神王而靈銳故其輓
獨翰於詞苑則六莖憂乎張咸池雖鄭衷冶其清臚
兮嬖姍沮澁殊自媮於是子佩青青汗雨袂雲隱賑
都國頽頽溶溶睽睽報書者相與斂陣閣研於有司
之場鴻紳我標提衡執鑑河如薛燭層如風胡量直
低昂萬不失一者改容練色於法館群觀之上何遭
時之刺謬廣固有不侯琴氏控弦而失的袁公砥亦
而靡投於是假絳幄鐸福祿冰漢廣過驥群暫繫著
作之馬蚤墊河東之巾爾乃肇培世之牢籠兮駘蕩
而問皇羲謝蚡蜃之款情兮澹漠曠軼建以師燦流

輦以跽蹶兮望女牀之隨危授陰符於驪姥仍赤斧
以歸莢促神州於一握謂韓衆之可攜超然顧四輿
而衽八鄙兮遂竭舉而投諸無莢之谿觀岳瀆之髣
髴齊豐确而壹平陂何元會之足季瞬溟淺於俄期
必凋三光而後老乃足异兮輦輦營營雖孤公亦奚
爲褫無機之船於彼荒唐津兮遺震且之彈九如委
衣遂焉謝徇華招僮僮紉玉笥注參同稟周易以沐
浴時候火於八風備赤城之天隱貴王子之虛中垂
碩集兮琬琰代鼎湖之髯弓夫君子之澤五世始斬
厥韻之優積久彌皖伊余矣茲不承不顯是以緬其

三水縣志

卷之四

一百四

坐尚如月之珪伸要棄組筍籃杖黎醪醪百斗玉山
自頽則靖節之陶殊逼真也高妙之骨如含朝霞揆
詞綺散芙蓉水華鰲戴三山何歸天壇可以掃花則
青蓮居士固揖芬也買青山而辦錢躅空谷而蠟屐
俯流澄煩趾峻卜宅肯試汶汶以聖虛白則謝傅搖
演亦徽侷也監司雪風銓衡水竹小車輾苔蕙容畏
俗七耆健編含媚幽獨拈善拳服無名之樸則邵氏
天津氣殊親也若乃大竹端亮而達壺關恬逸而裕
天台沉淵而文原情顛鵲羣萼匹棠勒之訓斯駢坐
相望幹蠱用譽於何不臧肆若觀宇軒轅於蘭櫟三

黃鑱而景德綸綃賦華增呖於金閨非烟郁而慶喜
困輝大氏假墮祇昭隲虛庶靡罪悔烟熅可虞是以
我人孔將有那其居詩云嗟嗟烈祖有秩斯祐申錫
無疆及爾斯所亶其允諸小雅之材七十四人大雅
之材三十一人不聰而待眚我其釅哉辱客命訊爲
麤道其扶踈聊別於耳口四寸而已厥繕靈官而納
邳禡以溢我逸者實無由究圖也客旣酣西極之述
槩然興曰都序君臣則稱乎忠有宗祖則稱乎孝平
子二京太冲十稔光雍迪詰攪搜富已然張抑先漢
而侈東左尙逆魏而退劉華說茂誼幸終教於子肆
三水縣志

卷之四

一百五

而隱虔而實生民皇矣之故響與景炎固未艾又鞏
恣顛以大律萬嗣之亘三靈將用嘉黎

京塋賦

文倬天 邑人

爾雅稱乎鹵極毛詩列於幽風幽其當鹵之極焉
原陞之中公劉以之立國相陰陽之宜交風雨之
膏陟出降遠順宣而處處之故雅歌京師之塋自
虎通有京大師衆之論朱子傳有高丘吞居之釋
遂之稱都稱畿千里之邑號統名以京師自幽雅
始僕故儷左息十稔濫竽於王父世父雅頌得所
之餘以揚前列豈登高之才歟

幽國之壑禹貢曰雍州魁杓昏建於華之西北遼陁
交錯平地之泝繆總橐籥於子午故山自良結而水
自伏瀾溯水則一經而九緯度山則一本而九丘稽
乾象爲鶉鳥井頭鬼目之在未按輿紀適黃圖天首
地首之上游界有五而太極樞輿於川半遶維九而
京丘獸據皇過之中洲東則殿初故竟龍洞蜷連漆
沮環繞天子于畋劔宮負勳芝朮之廬媿星下炤節
烈薦遶且石闕有司霽雨太子之廟王華有衣冠
帝升之僊金炤地而有色玉蘊山而媚川若何駸駸
乎馬關溝何嶮仄乎鹿拳或飛雲琅天以類洞石屋
三水縣志

卷之四

一百六

萬本其星聯神林肖塢之鳴峴峭嶇也屹乎岳岳而
隱天其內溪菖九節靈草五莖將離木芍鬱乎芊芊
而西則夕陽之墟纏屬於水滸紫微挿空雲出如縷
开溼怒犇濤駛若駑城久昫於古公渠奚號以狼乳
邑名廣壽唐之漆浦明月嶧峴皎然王吐穆陵鴻闔
沆然地戶且濁浪九曲以滓其包抱乎仁祖紆峯五
鳳以鑠乎前砮厥石鼓里隆蟠龍阜列鳳羽當炭泉
之四衡亦柴虎參差於隩府其間大谷之梨鼠梓之
搜棗如瓜而木如蜜咸翁夢於蔬圃此幽左右之兩
腋耶南則仲戀亶鵝寶鼎雲卷茸泉爽駭金莖露

王龍穿治水而成湫青鳥集通靈以開殿且隰有三
下九陰崙呀之重淵遶有三躋千仞律嶧之平行姜
源蓊蔚以垂青巒嬰豈出襟而遺鈿僂盤剝蝕以鏹
光漢武何披襟於設讌內則七絕之赤柿罨乎坪甸
千實之丹若綴乎屋院其幽腓耶而北則馬嶺礙日
圍不窳之城烏嶠降雨鎮霽武之京珊瑚川迴龍穿
曲穴風月亭峻瀘環渠阡奉玉真於琴岫導聖水於
羅碑且九龍蜿蜒下治北空之水久渟爲泓五柞扶
踈覆眎泥陽之堞誰膏成薨花馬之醴何產白豹之
川何清內則金絲之葉肺肺驅瘴以尊生菴藺之草
三水縣志

卷之四

二百七

蔚蔚翳谷而駐精青梁味能消暘碧菽汁足解醒此
幽脈乎惟幽山川皆本於北陰握九谷之總萃中爲
陰陽之交合三才而定位京丘陔雞阜以岌嶮南岡
繚磯頭而屏翠皇礪泌瀨而樛流其舍過澗宛轉以
狎豕乎治汎川百折而不廻浮隍陴以澎滉此回制
之可名何臚三泉以表異諏郇伯之封黍苗帶膏以
漸漬覓魏王之樓震風摧木以披吹紀敕水於唐川
立仙驛於隴肄煙火簇雙槐之屯風雨圮一松之寺
且金沙有泉炤人似幟白虎名峪生雲如簪故梁渠
述於丹淵廣延書於通志其中石蜜先春而薦廟壇

今臨夏而鬪忿賴三妙華黃之俱馨五粒葉柯之
借概持妍之蘋嬾嬾以有致多子之杆鼎鼎而徧植
瀾山林乎其楠滿壑挺其苦蕙雖側蹶之幽陬亦隩
區之蕭墜故古公陶復以宣理公劉觀京以立疆或
靈陰雨於四國或築雉堞於八王雲臺之將帥鄧馮
功成斧戕尖山之英絕勝岳嶺寒道皇春珍報國以
盡節飛卿著名以文章叔皮之行安定爲過郇邠之
鄉少陵之去延郎曾入木水之墜蘭何生乎窈谷應
有徒以尋芳抑東山師水之靈氲世釐以人築君期
維武冠軍向左谷而躒血景瑜清白自操仕隨州而
三水縣志

卷之四

二百八

王潔國倚長城侯洛公華高昌二十一郡以探虎穴
朝慶名臣漢丞相賜田宅三十六所來畊蒲畷湖厥
天倫文昭之列系之以文蒼姬其準若錯載於左氏
之書種杼乎葛山之舌翁治華陽而有循聲爲持吳
戈而欲皆裂路公遠事四朝之炳麟信國經略六省
之冰雪咸星宿之河源漸西流而匪竭九傳海而秦
晉之派分十一傳昌而郇幽衍縣縣之騰寃大庭之
崑躔其繁祉以不別序我鼻祖挺生於洪武右執漣
乎端門服惠文柱後之纓第一稱御史大夫於匡藩
立堯階而指佞抽屈軼之鬚根折雲之檻以憂國揭

盆之旭以鑿寃金百煉而彌固王三炊而不燔三日
適吏直道自存三日土壘有天可捫京師頌其鐵面
疾風知勁草之騰騫朝端戴圭於正日罔不懼乎謹
言迨其督大匠以建文華正有子以翼燕廓峴岷西
清而閱閩迎翔陽以開墀廼命爾班司脩繕樹闕以
切雲律銀以布胃厥名昆以紀工志寵渥於上眷緬
質樸爲采地爰啟送以白賁取無邪之中正爲經緯
天地之大文裕享續於千億導如升乎朝昕其壽隆
如東山躬稼乎望高之上案萬箱爲素封三邑之黔
敖以資饗賜釜庾於比閭活够人不期其償楸一本
三水縣志

卷之四

百九

其五枝芝蘭倚柅以遐暢薦生廣平岐嶷邁種課畊
以澆虞莘傳經以追屈宋其縹縹不群也如出豐劔
華之干斗其姍姍以言也若舌根青蓮之入誦惟冥
椿而分四柯允玉燭調春夏秋冬之四統故冀公應
乎孟春龍精以履歲首萬物奏地而勅升律必始於
太簇少摺拮以下帷漱芳潤乎文囿每試辟易夫群
英爲璜宮之頌衷都人士師厥儀型分角虬參虎以
如覲或振鐸比州譽髦斯秀冠挂神武而歸幽自稱
羲皇之宙鑄赤堇之銅於一爐見雙龍蜿蜒以交走
是以儀部效幟於一十九歲因文章而仕秩宗著書

以三十六緗建樂育而教西雖日講內聖外王之道
群瞻關西夫子之容矧詞林學富於二酉毫灑乎三
江東壁有圖書之府西京無星降之九杠罕觀宇而
起者二子守尊天以來則十孫光祿圖南庚戌三陽
銘恩握赤璋於三晉提衡禮樂以不煩著青緗乎九
極潛心經世而立言且有子冠豁達如雪或賦詩以
五千有子惠司教西漢果作人於寒泉帑而補袞有
嗣克孝彼萱室軒舉承先振操夫花筆且建標於赤
霞能閔免乎前隲况賦爲古詩之流登高其可望史
爲紀事之才彤管亦有相哉又武城琳瑯之學摘春

三水縣志

卷之四

一百十

華於蓀園絃歌之響湛汪濊於東垣降而煥乎章雪
者隕紫鳥璜瀚乎氣駛者逞豪高陽惟觀濤之鴻博
留徽聲乎汝襄何奮甲黃雲之畔止矢志請纓展翼
青芹之際堪灑潤墨泓厚若大竹飛白以臨池函夏
欽其超香奚樛木之不容致維熊於無寢至壺關恬
雅有德冠國學以六行之譽肅靜以治沛霖雨於三
老之墟且館陶之哲洞竒門星律諸書博之以學務
種植竒羸其不踈孟有岐陽聽於樂之鼓及虞廷坐
臯比之輿仲有翥羽集沱林之椹兼烏羸通畜牧之
餘其敬能紹庭食國之餼穎以過人晰乎爲締媿伯

媿仲以肄三罔遠送之可畏焉猗歟天白季葉之宗
歲功朏朏以待發如含冥之嚴冬萬物棣通而始出
皆沕瀟於黃鍾豁如十行而一眎稱日角月葩之神
童癸未旭射乎金榜奏平成於司空曳繡袞而持王
斧巡行乎澗東朝墊仰德音於鴻緒如兌天與稭弓
及解組以鹵返董農訓子於金術王刹之中維祖少
蒼孝友性生以志爲養外則滌石之牖內則泣俞之
杖風木薊葢其不辰鶴徠吊而親嚶水米不入乎僞
剖葷醴以忼愴報蓼莪於三年結茆廬乎竈壙青鷗
巢偃蓋之松白兔育風隧之宥直指采風以上聞歲
三水縣志

卷之四

百十一

其佩以娛闈庶作室其肯堂有松茂南山以感寐諱厥享而爲崧瞻歆雲函雨之瑞霽曷有極哉若夫篤公劉作京邑於溥遠而名川義將軍屯府兵於隴城則稱府遠巘則展天眉近疇則廣地乳鬱兩澗之崕崕剪三淵之膏膺出醴泉而井多列其列黃壤而臺竄沃土前碕氣聚於佃翔之壑雞右渠風藏於敦圉之峪虎於是申秩祐乎無疆蕃本支於烈祖衍兩族之原著十世之譜如史有司馬紀世緒以堯而下傳四世之孫姚以舜而上傳四世之祖禹譜有歐陽圖世譜自詢至琮餘二百季爲四世之宗自琮至觀僅三水縣志

卷之四

一百一

百季爲十六世之數雖兩君子之紀季猶漉曼其無矩維幽之壑川谷訐訐姬曆閱墜老而莩荒豈曰未艾之澤爲小補

幽天石隱賦

文龍軒 邑人

尻子午吭京壑艮山坤水之隈石纍纍焉迤邐蜿蜒嶷嶷岫如華削者連斷以由旬許壁腹復陶萬本厥竇不審自何代但鑿痕尙齒焉如昨想前人辟敵潛身之奧窟選其竒贖無如趙川之名官家者突兀三百尺至不可仰余洞對焉相峙如屏上有石廊數十武眉月腋星爲更勝題曰琅天兩洞肘

旋平陸而散花竹卽家青夫子之誕於栢下處自
滄桑以來余父子巢石深隱詫天半之樓閣者十
八星霜安可慳片言以報山靈

猗咲日月讐穀天地斤斧霜露衣裳烏犬君子山河
碎裂茫茫靡止爰有破荒媧臂之人劈石鬪掌之舉
彼六甲遯五丁死誰其驅鋒飲鏑捫山面而借墉竅
山骨而闢路豁山腹而張宇高高下下爰居爰處厥
狀匪一而咸莫敢侮厥狀維何拔地倚天獅蹲象立
馬踞龍盤珠穿九曲鰲戴三山崖屹劍閣頂巍雲冠
旣嵌空以玲瓏復霹靂而喚岳上耕層岫下逗重泉

三水縣志

卷之四

一百三

神足琅只一夫旬然非羽民其莫到雖趨猱亦愁攀
爾其聳窈悅人也月臨窓而自近河入戶而平懸沆
露墜玅醪而滴甕落霞飛皎姬而窺簾風咳沙而咲
王指控霍與乘鸞鬢流吼鼉登嶂雕烟攬晴陰於衆
壑雷眠砌下聽笙竽於萬籟鳳起林間疑化城之幻
設眞壁貫之神研世兒無所競榮辱上界何由辨仙
凡其呼吸可通者不盈咫敢碎然携毗詩而問青冥
於虛無縹緲之巔九潦不浸十日烏燃遊不數七十
四脩何事八萬三可以低秦嶺小渭川卽有竊盒客
截鐙手鼓橫磨以博戲詎能窺我九鼎上之一斑歟

於炎劉盧芳守之以拒莽傳之有明中山攻之以倂
元厥功用之靡常以神變之殊端余太古小年於其
中者越垂髫至如戟將伯仲而甲乙之但見筭關山
兵艸木之總不能魚貫而鈎撥貌其奇關渾寸哲崢
嶸而岳鎮寫其迂嶇肖雄英磊落而泥蟠竝而爭之
大鵬希有之翱翔比而肩之東公西母之鱗鷲居然
大雄王而小雌霸信其左瓊池而右藥淵夔華拱闕
兩室開筵荷玕矢與勾漏不仙磨琅環以幾字歸二
曹乎一拳惟其亘長秋閱大春故能藏六天九極之
奧衍而據幽山之第一雄巒豈比夫鳳臺之堙爲幽
三水縣志

卷之四

二百十四

徑而武陵之迷乃仙源來青杖而不驚遯黃革而益
堅實礪齒於西極安捷步夫終南洞告我曰白石已
歌桂樹潛踪稚川安在弘景誰榮媧腸千變羨腹萬
重一屈一伸爲虵爲龍痼疾不治其如蒼生時乎不
冉冉冉脩名舍爾秋實溷我谷空愴公劉旣鑿我之
混沌子文學又重我以剽鯨誓將返璞還我真形余
曰不然積氣積塊覆載無窮覆載之中蠻觸蝸爭長
天一路絕少人行奔日奔月尙藏其躬胡積雪三百
以自守而躋池者踵至胡積高五千以自岍而柴望
者筭通子於太空亦焦螟之於蚊睫奚強立萬古而

硜硜將子無徂我特以酣霜老樹之管樹之槐眉令
後之鈎玄迷野者代群王與樊桐

三水縣志

卷之四

一百十五

歌

弄石子歌

幽石子五色

文翔鳳

邑人

欲餐石子疑松子漱之不徒堪礪齒棗乾初上姚坊
門新壓櫻桃差可擬千日空蔬乏清供晨昏止飯脫
粟米十蕘粒石列案端每食如饌青鸞髓山人濯石
不濯纓羽水探月秋而洗一寸琅華當洗心五色交
縱光射起弄石因之得石理大如榆錢小胡麻亦復
有根綴蟻背涓河淺沙細於塵粒粒成山終磊砢安
知百億蘇迷廬非我掌際殘沙子

田家襍歌

文毓鳳

邑人

三水縣志

卷之四

二百六

阡陌日以廣子孫日以多丁男立門戶有孫解吟哦
尚頌庶可畢園涉聊養疴忽念東作人亭午方治禾
荷莒戴黃苙暴餼踏青莎芒屨曳微徑南山雲嵯峨
惠風蕩中野衣袖弄婆娑西鄰有素心日暮邀我過
相見便登席何用禮爲苛眷言酌春酒解衣掛欄柯
發言豈皆頌道在頤天和醉臥松根下朦朧驚牧歌
覺來動長笑天地竟如何

幽地成幽字跋坂歌

文明冠

邑人

跋坂骨節重勞坐知身輕杜老皮肉空峻坂我緣峻
坂骨節騰強骨強筋須峻坂精堅氣府走如嬰神驥

不勞非肉馬汗血始能空千城往來三澗知天遠深
暑深入炎火罌幽地乃成幽字險勞勞兩豕挾山登
豕禿山中不善陸憂憂豺虎艱不升豕山多坎生幽
字允荒之居苦營營土瘠民貧惟轉粟金生粟死勢
如崩王稅如山不可恤峽中豈知豕艱禿不勝策馬
尚憚馳荷擔曲軀者蜀道故登天走幽亦哇夏出門
寸寸必力攀迫道委蛇不可下西北積乾多峻坂峻
坂之天蓮花社齊天無地總蓮峯蓮花心裏竟日夜
積乾實爲幽字祖怒水聲濤夾澗瀉幽荒具體亞積
乾幽爲乾尾歌二雅當午泥汗不可灑沒盡幽荒始
三水縣志

卷之四

二十七

平野輪轂烏得猿臂疆惟穡稼赫霖猛颶不得舍山
靈普滂雨田祖無容蜡爻地重坎多豕水豕中之豕
千坂壩驅驢盤陡運豕流千仞之峒百盤跨之廻之
道方如亞咫尺百步蛇爲跨惟有勞坐始身輕坐後
不能跨鞍馬路重安得身如葉千斤入骨真負鐵峻
壁之滑冬溜雪翹冰惟欲虹繩掣秋霖夏急泥不挈
千摺之攀力竭氣更噎強筋強骨大凹凸皇過之詩
咏周疆大國從此都岐陽王業已根幽土造本得壑
豕農功強古幽富饒施仁登帝皇豈若後世之幽豕
地枯且僵蹇足日日曲山梁萬戶之藏無積糧

幽谷歌呈

林彙菴明府

戈

時

廣德人

舟玉公劉初締造膏苗郇伯繼封膺未知夏代脩何
業似比周豈較夏貧羅列四山山有異得名三水水
無隣東西度澗趨南郭金玉湧泉遠石門猿窟馬峪
開官洞雞阜鳳隅對翠屏雖隸雍州多險瘠最傷下
土困科徵紫氣關中馬屬望清名海上是前因風行
艸偃當斯任地與人違叩彼旻敢效蒲鞭矜惠意猶
虞蔬食損廉聲感君暫爾烹鮮奏嗟予奚由策蹇經
德慕耆英空過衛才慚季子亦來秦遺恨扶蘇千載
廟留題鄭谷五林邨予且倦飛休振翮相期高臥爲
三水縣志

卷之四

百十八

招雲

幽外史曰志紀事實匪擷英華而終之藝文者奚
居曰藝文雖雕蟲小技然文以載道辭以立誠詩
以言志氣運之盛衰學術之醇疵胥此乎繫焉三
代以上道德政事文章出於一其發之詩歌文詞
皆有關於風教有裨於民生如日月之經天江河
之行地可久而不可易後世道德政事文章裂而
爲三縱雕繪組織誇多闡靡譬剪綵爲花生意終
索然耳蓋文肇於墳索盛於典謨訓誥而衰於魏
晉六朝之駢偶俳優詩原於賡歌委於國風雅頌

而亡於顏謝沈宋之選聲諧律屈靈均之騷古詩
之遺也迨上林子虛之賦作而騷幾亡矣長楊校
獵之賦作而賦併亡矣何論平子之二京太冲之
十稔乎莽大夫劇秦美新賦雖工奚裒於投閣至
太公以擬易法言以擬論語則聖經之擦懿矣豈
僅以艱深文淺陋而嗤其覆醬瓿哉故嘗論之漢
無文章惟武侯出師二表晉無文章惟靖節歸去
來辭賈晁以後無奏議惟陸敬輿諸疏三百五篇
以後無聲詩惟陶彭澤一源之三子者以正詛明
道之學摠忠君愛國之言皆從至誠流出而非按
三水縣志

卷之四

百九

險抉恠字雕句鏤者所可同日語也茲以幽論幽
風幽雅幽頌爲姬元公所自作邈哉不可追矣班
叔皮之賦北征李青蓮之歌幽谷杜少陵之咏木
末鄭若愚之嗟金泉幽之過客也其產乎幽而以
人文著者如范吳之序橫渠正蒙首闡理學宗傳
文太青著幽易幽考幽賦幽防等編足覘邃學碩
畫又如少白鉅賦太青西極秋賦諸作蒐富二西
探竒禹穴雕龍吐鳳擲地當作金聲儻所稱登高
能賦者非耶乃若幽之邑宰求其學之正性之誠
而以道德政事發爲詩疏文章者我 林侯而計

殆未易數觀焉蓋我侯之家學有本得於其

曾大父潛江先生及尊公素庵先生者深以遠

也潛江先生歷宦吳越齊楚滇南所至政聲籍

甚民皆尸祝其佐鄆郡轉脩郡志年九十猶手書

程子四勿箴以教子孫素庵先生以銓部講學

筍堤倡明旦氣所著弟經經史釋義易史象解春

秋易義諸書久已衣被海內學者稱爲筍堤夫子

特祀學宮一皆及門多賢士大夫至今撥魏科顯

當世達達不絕也我侯夙承庭訓蚤通經史年方

舞象卽登賢書癸未上春官誤中副車筮仕襄武

三水縣志

卷之四

百十

首陳捏報墾荒之弊詳請題豁故秦屬蠲免一案
民蒙其澤者實自我侯倡之已酉蒞茲土慨然以
風教民生爲已任振百廢而具興之其政蹟之赫
赫在人耳目間者黃髮穉齒能言之至於生平著
述之富類不能殫載特錄其有當於幽者著于篇
今讀泮宮告成一咏而見我侯之理學淵源有素
也讀舟翠同亭諸咏見我侯之言志本乎性情非
虛侈葩藻也讀免賦免徭諸詳議見我侯之立德
雖羽檄交馳不憚爲民請命也讀防禦訓練諸詳
議見我侯之立功在殺賊全城不僅脩廢舉墜已

也要之我侯忠君愛民之誠可以質宣公之奏議
焉可以當幽圖之上獻焉實所謂道德政事文章
合而爲一者也實所謂有關於風教有裨於民生
未嘗有意爲文而天地之大文不可掩者也若夫
纂葺邑志以垂一代之文獻又不厭討論之勤與
脩飾潤色之詳焉筆則筆削則削旣一詞之莫替
善善長惡惡短復一事之不苟以春秋之公心行
龍門之史筆尤以見我侯立言皆有功于風教民
生之大云是則侯之德也功也言也固與幽山之
高幽水之長同敝天壤矣奚翅一皆士民之口碑

三水縣志

卷之四

百三

云哉覽斯志者其亦知所折衷也夫

縣志跋

蓋聞秦韻周舊而周源於豳是
豳爲周之始秦之所以夏也
宣聖刪詩以豳秦二風並列則
豳雖最爾然上下數千年賢聖
胚胎之所風教人粹蒸蔚代興
可今湮蔑無稽爲山川滋恆乎

跋一

則志之不可少也三水之志缺
有間矣前者雖有成書而草創
伊始未免簡陋我

邑侯林文師下車以來百廢具
舉乃於羽書旁午之際兵燹頻
仍之間慨然曰邑志不脩遺蹟
無聞下無以定月旦之評上無

以備轉軫之采斯予之責也夫
於是博集簡編考徵故寔予定
厥稿屬鄉大夫文附明先生余
姪孝廉壯猷及諸生四五人小
子解亦濫竽其中纂輯參訂不
四月而成焉於草蹟則削贗存
寔於藝文則酌古衷今爛然太

跋二 順

史公之遺制也至於爲民請命
諸篇諄懃詳切痛哭流涕之苦
心橫溢楮上覽之不禁掩卷興
嘆則竑志非特爲紀事之書寔
恤民之書也是役也一切工費
出之于橐不曠日不損民不煩
借才遠聘洗碑苔端讐書畫豕

並衡而較奚啻霄壤不其有光
我豳耶俱於是有感焉夫志之
脩也大約在昇平全盛之時而
三水分縣在明成化間及萬曆
而始有志是前此未曾脩也書
瀉之善也必涉博雅大儒總其
事方勝斯任猶聞文太青公有

跋三

言曰予生平恨事獨縣志未暇
修爲缺典是逸此未能脩也獨
計葺此歷成弘嘉隆之盛世未
徵文獻後此閱少白太青之巨
筆未及編摩而
林父師具三長任五難於政事
叢劇中殫厥心力郁、彬、勅

成一代之書後之觀風京林周
古函亭者不遐有佐愚小子輩
不敏不過塗黃刷類挹餘徽于
麥茨上耳何能贊一辭也耶

邑學生張 俱謹跋

文崇袞

文龍軒

馬三錫

王達可全薰沐書

